

SETAR ta aporta na e Festival un Canto pa Aruba su Himno y Bandera 2026



ORANJESTAD (AAN): E compania Setar NV ta orguyoso di continua cu su aporte y colaboracion cu Comision Promove Cultura y Fundacion Cultural di Festival Folklorico pa e Festival un Canto pa Aruba su Himno y Bandera, un tradicion cultural cu ta trece hunto talentonan hoben y adulto rond nos isla pa honra nos Himno y Bandera.

Diamars atardi a tuma luga e trekmento di lot di e secuencia na SETAR Conexion Center, marcando asina e comienso di e ultimo preparacionnan pa e categorianan di Infantil, Hubenil y Adulto.

Como Aruba su compania nacional di telecomunicacion, SETAR ta contribui tur aña na eventonan cultural cu ta celebra e identidad, union y creatividad di nos isla. E edicion di e aña aki ta uno special, ya cu Aruba ta celebra 40 aña di Status Aparte, 50 aña di Himno y Bandera y na mes momento 40 aña di SETAR.

SETAR ta desea tur participante, agrupacionnan musical y e comisionnan organizatorio hopi exito cu e preparacionnan. Y nos ta invita pueblo di Aruba completo pa bin disfruta y celebra hunto durante e Festival cu lo tuma luga diabierna y diahuebs awo na Carnival Village na San Nicolas.

Edsel Figaroa, lider sindical di TOPA:

Almacena petroleo ta un bon oportunidad pa otro pilar economico pa Aruba

**Aruba tin 17 tanki di cual 7 ta funciona perfectamente*

Porfin Aruba tin un representante oficial na Hulanda

Milly Schwengle a huramenta como Minister Plenipotenciario

ORANJESTAD (AAN): Di aranson merdia, na Cas Ceremonial di Gobernador di Aruba, Gobernador di Aruba, Alfonso Boekhoudt, den presencia di Consejo di Ministro di Gabinete AVP-Futuro, a tuma luga e huramentacion di mr. M.G.M. (Mildred) Schwengle como Minister Plenipotenciario pa Hulanda.

Cu esaki, Aruba ta fortalece su representacion strategico den Reino y su presencia na Europa.

Mildred G.M. Schwengle LLM ta un experto legal cu amplio experiencia den derecho constitucional, derecho publico internacional, gobernacion (publico y priva), financiamiento y negociacion di alto nivel. Schwengle a studia Derecho Hulandes na Katholieke Universiteit Nijmegen (awor Radboud Universiteit Nijmegen) entre 1984 y 1989.

Su carera profesional a cuminsa den Ministerio Publico como Procurador General interino (1990-1992) y despues como griffier na Corte di Prome Instancia di Aruba (1992-1994). Na 1994 Sch-



wengle a bira abogado y desde 1996 te 2017 tabata partner na HBN Law, sirbiendo Aruba, Curaçao, Bonaire, St. Maarten y Saba.

Entre 2017 y 2023, Schwengle a ocupa e posicion prestigioso como miembro di Raad van State di Reino na Hulanda y a acesora Gobierno di Reino riba legislacion, decreto y tratadonan internacional, cu enfasis riba relacionnan den Reino.

Ademas di su experiencia institucional, Schwengle a actua varios biaha como abogado principal den proyectonan grandi di financiamiento, privatizacion di fondo di pension y adkision internacional cu interesnan miyonario. Actualmente Schwengle ta dirigi

negociacionnan den Reino riba finansa publico sostenibel y supervision financiero pa Gobierno di Aruba.

Cu un trayectoria caracteriza pa liderazgo, integridad y experticio huridico, Milly Schwengle tin un combinacion unico di experiencia di sector publico y priva. Gobierno di Aruba ta expresa su confianza pleno cu Schwengle lo representa interesnan di Aruba cu dignidad, responsabilidad y vision strategico den Hulanda y den Reino.

Nombramento di Schwengle como Minister Plenipotenciario ta marca un paso firme den fortalecimiento di e posicion di Aruba den Reino, cu enfasis riba cooperacion, dialogo y defensa di interes nacional.



Aruba Tourism Authority a nombr'e

Carl Quant a bira 'Area Director Europe' pa sigui fortalece e mercado Europeo

ORANJESTAD (AAN): Aruba Tourism Authority (A.T.A.) tin e placer pa anuncia cu Carl Quant a keda nombra como Area Director Europe. Carl ta tuma e posicion oficialmente dia 1 april 2026, y den su responsabilidad nobo e lo dirigi tur strategia pa e mercado Europeo y impulsa desaroyo turistico di Aruba den Europa.

E posicion di Area Director Europe a wordo ocupa e ultimo 15 añanan pa Tirso Tromp, cu a traha cu gran pasion, entrega y energia. Siguiendo su regreso pa Aruba, Tirso lo tuma e funcion di Senior Business Manager na A.T.A. iniciando dia 1 april 2026, caminda e lo sigui haci un aportacion valioso na e organizacion.

Den su funcion nobo,

Quant lo traha di cerca cu e ekipo Europeo y cu partnernan strategico pa sigui reforsa e posicion di Aruba den continente. E enfoka ta riba consistencia di marca 'Aruba', lasonan duradero cu partnernan, y tambe atrae huespednan di calidad halto cu por identifica nan mes cu e balornan y caracter di nos isla.

Quant a cuminsa su carera den e sector di hospitalidad na Aruba, trahando cu diferente cadenan di hotel internacional. Su trabao cu Aruba Conservation Foundation (ACF) a hunga un rol importante y a contribui na su conocemento di conservacion di naturalesa y turismo re-



sponsabel. Despues cu Quant a muda pa Hulanda, el a herce diferente funcion entre otro comercial y strategico den hotelnan di 'business' y luho, cu a permiti Quant gana experiencia valioso den mercado Europeo. Carl a sigui su carera na A.T.A. como Sales & Marketing Manager Europe, unda cu e lo ocupa e posicion te cu 30 di maart 2026. E combinacion di ex-

periencia internacional y su conexcion profundo cu Aruba ta duna un base firme pa su funcion como Area Director Europe. "Ta un honor pa mi pa por tuma e responsabilidad aki. Pa mi, Aruba ta mas cu un destinacion; e ta un luga cu ta brinda un sensacion unico di bolbe cas. Mi ta contento di por traha hunto cu e ekipo y nos partnernan den Europa y pa sigui forma relacionnan

fuerte y un posicionamento cu ta refleha e calidad y balornan di nos isla," asina Carl Quant a expresa.

CEO di A.T.A., Ronella Croes, tambe a refleha riba e transicion aki: "Tirso Tromp a representa Aruba na Europa cu pasion y dedicacion durante hopi aña. Su entrega y amor pa e isla a laga un marca permanente, tanto den nos ekipo como bou di partnernan. Den su funcion nobo e lo sigui contribui di manera significativa. Cu Carl Quant nos ta continua riba un base solido. Su manera di traha enfoca riba e hende, su experiencia y su conexcion cu Aruba ta duna mi hopi confianza pa cu e siguiente fase pa Europa, un region clave pa cu strategia di diversificacion pa Aruba."



ATM DAKOTA DEN MANTENCION DIA 5, 6 Y 7 DI MAART

Apreciabel cliente,

Nos **ATM** situa na Dakota, banda di Stadion Guillermo Prospero Trinidad, lo ta cera durante e orarionan di **mantencion**:

- Dia **5** y **6** di maart: cera entre **8:00 AM** y **5:00 PM**.
- Dia **7** di maart: cera entre **8:00 AM** y **12:00 PM**.

Nos ta pidi disculpa pa cualkier inconveniencia.

Nos ATMnan mas serca di ATM Dakota ta: Kooyman, ABC Branch y Main Office.

Pa otro localidadnan di ATM, por fabor scan e **QR-code**.

Danki pa scoge Bo Amigo.



ATM finder

f cmbnews i cmbnv

cmbnv.com

CUNUKERO.

merkado Nos Tera.

Carni cabrito y porko.
Webó Local

Komkomer Tomati
Jambo
Boonchi largo
Berehein spinaka Pak Choi.

Pika naughty hots.

Jabon Organico.

Organic essential oils.

Juice di Tamarijn
Sorsaka Ginger

Saturday 7th March
@ SWIRLS PIEDRA PLAT #72

Diasabra awo dia 7 di maart na Swirls by Jay piedra plat 72 di 9or te 1or.

Bini un bini tur pa boso tomatinan fresco tambe lo tin komkomer berehein jambo boonchi largo pak choi y spinaka na e miho prijs aki na Aruba garantisa y carni cabrito y porko fresco.

Lo tin pika di pinja traja cu promente nan special, planta aki na Aruba. Tambe lo ta bai tin webó lokaal fresco y essential oils pa bo mind, body and soul.

Tambe lo tin jabon organico traja cu amor y juice di mango tamarijn sorsaka ginger y cashew y One with nature cu su mix fruit juices nan fresco l seamoss gel di diferente sabor, tur cos cu beneficio pa e curpa mente l soul lo tin matanan pa bende di druif pinja sorsaka y yerba di holo.

Y miho ainda lo tin piska fresco saca for di nos lama Arubiano y ta bai tin mas sorpresanan tambe

Edsel Figaroa, lider sindical di TOPA:

Almacena petroleo ta un bon oportunidad pa otro pilar economico pa Aruba

**Aruba tin 17 tanki di cual 7 ta funciona perfectamente*

ORANJESTAD (AAN)-- Sindicato TOPA, y otro sindicato- nan a wordo invita door di e fraccion di Partido Movecion Electoral di Pueblo (MEP), pa un encuentro riba dia 14 di Februari, pero tres so di nan tabata presente e dia ey. Asina presidente di TOPA, señor Edsel Figaroa, a duna di conoce den entrevista cu Matutino DIARIO. E tema tabata rond di e procesamiento di crudo cu ta tumando lugar na Venezuela, den man di companianan Mericano, y con esaki por beneficia Aruba.

“Pa nos parti, nan a duna nos informacion, por ehemplo, cu despues di 13 di Januari e oportunidad a presenta atrobe, na unda cu Aruba por forma parti di un otro desaroyo.

“Nos sa cu aworaki, Aruba ta basa riba un pilar economico so, y esey ta turismo. E ta un pilar cu ta stabil, pero nos tur sa durante Covid-19, kico por a pasa, el a destabiliza. Esey por pasa atrobe, e ta fragil. E ta fuerte pero e ta fragil si algo sosode. Nos tur sa cu Aruba mester di un segundo pilar. Anto, esaki ta e oportunidad cu nos por haya y cu sigur nos por haci uso di dje, ta almacena e petroleo, por lo pronto, te ora di cidi cu ta bay proces’e of ta mand’e pa un otro pais, of dun e otro destinacion”, señor Figaroa a señala.

Edsel Figaroa a comenta cu e tin entendi cu tin 17 tanki na Aruba, di cual siete ta funciona perfectamente y diez tin cu wordo revisa of drecha.

“Y e inversion cu mester



tuma lugar den dje ta minimo, compara cu e probecho cu lo por saca for dje”, Figaroa a bisa y acentua cu TOPA ta apoya tur iniciativa di cual partido cu e ta. “E por ta gel, biña, rose, nos ta apoya tur iniciativa unda bo ta crea empleo pa nos trahadornan akinan, nos ta pro esey”, e lider sindical a expresa.

Durante e reunion nan a sinta discuti varios punto, y a bin dilanti y hasta el a compronde cu tin posibilidadnan cu bo por lanta e

compania bek. “E parti di procesa e petroleo pero na un otro forma. Bo no ta bay drecha esey bek, nos sa cu esey ta costa hopi placa pa por dreche y aworaki nos no ta den e situacion di por hacie. Pero mi a compronde cu tin sistemanan ‘afordable’ cu bo por pone funciona”, señor Figaroa a señala. “Señor de Sousa a duna un bon splicacion riba dje, y mi ta haya cu e ta un bon persona pa nos haya mas informacion riba dje” el a agrega.

DVG a reacciona

Sushi deposita na damnan ta menasa pa salud publico

ORANJESTAD (AAN): Di siman pasa caba DIARIO a publica e situacion aki. Awor tambe Departamento di Agricultura Santa Rosa a expresa su preocupacion pa cu e situacion unda sushi ta wordo benta rond di damnan na Aruba. Na diferente dam, sushi ta keda tira na rand of asta den e awa mes, algo cu Santa Rosa ta cualifica como condenabel.

E damnan aki no ta simplemente almacena awa. Na Aruba, hopi cunukeronan ta uza e awa di dam pa muha cosecha y tambe pa duna bestianan bebe. Ora sushi ta wordo tira na of den e damnan aki, e awa por wordo contamina cu bacteria, sustancianan peligroso of resto di material cu por afecta salud tanto di animal como di hende.

E peligro ta serio. Bestia cu bebe awa contamina por bira malo of transmiti enfermedad. Si



e awa contamina ta usa pa agricultura, e contaminacion tambe por drenta den e cadena alimenticio. Esaki por crea riesgo pa salud publico, specialmente ora producto di tera local ta yega na consumo humano.

Ademas di esaki, tambe ta wordo haci un apelacion na companianan di chica pos pa tene cuenta cu e peligro cu nan por ocasiona. Deposita awa

sushi den damnan of laba trucknan di chica pos cu awa di dam por contribui na contaminacion di e awa. Practican asina no solamente ta afecta medio ambiente, pero tambe por pone den peligro agricultura, bestianan y salud di comunidad.

E preocupacion ta aun mas relevante awor cu mercado di productonan local ta creciendo na

Aruba. Cu mas produccion local ta wordo promovi y consumi, ta mas importante aun pa asegura cu e awa cu ta wordo uza pa agricultura ta limpi y seguro.

Autoridadnan ta sigui insisti cu damnan no ta lugar pa deposita desperdicio. Mantene e damnan limpi ta esencial pa proteha produccion local, bienestar di bestia y salud publico di Aruba.

E porta blauw:

Comisario di Polis Uniforma Silvio de Mey mustrando di ta agradecido



ORANJESTAD (AAN): Cuerpo Policial Aruba den cuadro di su 40 aniversario di existencia, a start awo cu seccion informativo y educativo yama “E porta blauw episodio: E bida di un Polis”.

E biaha aki nan a para keto un rato y conoce Sr. Silvio de Mey, comisario di polis uniforma.

Su carera: Silvio ta splica cu tabata na año 1983 su rumman mayor cu a caba su estudio militar e tempo ey, el a encurash’e pa aplica pa estudio di polis. Tabata di e forma aki inespera el a tuma e reto, aplica na Warda di Polis bieu na Oranjestad.

“Asina aki mi carera como polis a cuminsa y awe 41 año despues ainda mi ta stima mi trabao di sirbi mi Pais. No ta algo cu tabata planea simplemente el a “pop up” e momento ey. Estudio Policial: Mi a cuminsa opleiding di polis riba 17 september 1984. Durante opleiding di polis mi a conoce e trabao di polis cu hopi disciplina y a traha mi caracter pa e persona cu mi ta awe. Algun materia a bay fastioso pa mi.” “Pero durante tempo mi a siña hopi cos y poco poco mi a mehora. Tabata mas o menos 1 año despues mi a termina mi estudio cu exito, asina mes cu e tampo ey e opleiding di polis tabata semi militar. Nan tabata hopi streng e tempo cu semper bo mester tabata prepara. Lesamento y sa bo materia tabata primordial e tempo ey! Ken ta sr. De mey?: Durante añanan ma siña separa mi bida persona cu trabao. E no ta facil si! Pero bo tin cu hacie principalmente pa e funcion di polis. Den mi tempo liber mi ta dedica na core wak naturalesa. Mi tin mi Jeep pa asina core y admira naturalesa, wak e bahada di solo, bay lama sambuya un rato Tambe mi ta

gusta wak hopi documentario asina mi ta tuma tempo pa mi mes. Mi tin contacto tambe cu ex-polisnan na unda nos ta sinta bebe te y combersa un rato. Asina aki mi ta separa mi mes pa cu trabao y disfruta cada momento cu mi por cu ta hopi importante pa mi.”

Año 1986: Prome cu Cuerpo Policial Aruba a nace, Silvio tabata forma parti di Cuerpo Policial Antiyas Hulandes. “Despues cu nos a termina nos estudio nos tabata tin e escogencia of nos ta keda Aruba of nos ta bay Antiyas, esaki den porta cu Aruba ta bay haya su Status Aparte. Nos tabata mas o menos 200 polis so; incluyendo nos klas, a dicidi di keda Aruba y lanta Cuerpo Policial Aruba ariba 1 januari 1986. Algun polis di Antiyas a bin traha na Aruba pero mayoria di nos como polis Arubiano a keda Aruba. E no tabata facil na prome instante, nos tabata hopi hoben y a madura hopi trempan pa motibo di e cambio nobo aki. E ta un gevoel hopi bon pero cu reto pasobra nos tabata tin nos mesun alto-comisario, nos propio identidad y imagen. Algo nobo pa Aruba y pa mi!”

Estudio Policial: 1 januari 1986 (Status Aparte): Sectie Surveillance Dienst Buitendistricten (Santa Cruz/Noord/Strandpolitie 1991-1992: Sectie Surveillance Oranjestad: agent eerste klasse; 1992-2001: Sectie Jeugd en Zeden Politie: brigadier/ brigadier eerste klasse; 2001-2009: Bureau Interne Zaken en Onderzoek (BIZO): hoofdagent/ hoofdagent eerste klasse; 2009-2012: cu rango di onderinspector/ onderinspecteur eerste klasse y cu meertitel di UvA, mi a cuminsa cu e studie di Nederlandse Politie Academie (Executive Master Tactical Policing mayor in leadership):



pero durante di estudio mi a carga e rango di Inspector den opleiding, tabata un estudio dual traha y studia cu a tuma lugar entre Hulanda y Aruba, despues a finalisa cu esaki na 2012 mi por carga e titulo EMTP patras di mi nomber cu ta un titulo reconocí pa NVAO; despues mi a sigui traha den KPA como Inspector di polis);

2012-2015: Coordinador di ploeg na Warda di Oranjestad (Inspector di Polis); 2015-2017: District chef Oranjestad (Inspector/Inspector eerste klasse); 2017-2018: District Chef Santa Cruz (Inspector eerste klasse); 2018-2023: Hoofd Staf Korpschef (HSKC: Hoofd inspector of Chief of Staff); 2023- 2025: Waarnmend Hoofd Algemene Politie Dienst (hoofd inspector/waarnmend Commisaris van Politie); Unit Narcotica ta resorta bao di mi persona te cu awo. 2025 - pa awe: Hoofd Algemene Politie Dienst (Comisario di Polis uniforma) Sirbiendo nos comunidad: Un victima no tin un voz y ami ta e voz pa nan. Esaki ta yena mi cu satisfaccion pasobra mi a traha riba casonan hopi grandi na fabor di e victima. Mi ta traha pa mi Pais y na unda cu mi por yuda mi ta yuda mesora! Esey ta e miho gevoel cu mi ta sinti haciendo e trabao aki. Vision pa e funcion: Como comisario di Polis tin diferente reto pero un di nan ta, comunidad ta crece, hende su mentalidad ta cambia, nos ta haya hende di otro Pais tambe ta bin biba aki, generacion ta pensa otro cu esun di awo. Tin hopi diferencia y ta un reto pa ta un lider, pero esey no ta kita afo cu nos mester keda mantene nos Pais sigur! Pa nos preveni delitonan no wordo cometi localmente. Seguridad mester wordo garantiza tur dia y esey



ta mi reto y lo percura esey tur dia.

Trabao di Polis: E trabao aki tin su retonan, peligro pero e ta bunita tambe. Nos tey, nos ta yuda un otro persona su su problema of pa esun cu no tin bos. E ta un trabao hopi noble, mester probecha di e momentonan bon y bunita cu tin den Polis, pasobra problema ta bin di mes. Pero e cosnan bunita ta esun cu haci e trabao aki uno nomble! Trayectoria Policial: Mi a drenta polis cu 18 año. Mi ta un di e polisnan cu a pasa den tur e rangonan for di aspirant te cu awe comisario. Bo tin cu tene na e momentonan cu presenta, sigui bo metanan y bo ta logra! Probecha di tur e oportunidad cu e Cuerpo ta duna bo, pa asina bo sigui crece. Pone bo metanan, sigui padilanti y logra. Si, abo kier traha un carera policial e ta posibel, djis pone bo pasion den bo trabao.

Hopi danki: E ta yama danki na altocomisario Arnhem, Gobierno di Aruba pa kere den mi cu awe mi ta den e posicion aki di comisario.

Mi ta sinti mi mes hopi pasiona pa haci e trabao aki y cu yen energia. E grupo grandi di hobennan polis ta esun cu ta dunami energia pa asina sigui brinda e mihor dimi. E sosten di famia: Semper mi ta agradecido pa tur persona cu a sostene ami. Pero mas aun mi famia cu semper tabata tey pa ami. Nan ta esun cu ta soporta un tiki mas dimi ausencia of yega cas cu un poco beis. Nan ta esun cu tey pa ami. Mi ta hopi agradecido na mi yiunan cu semper tabata tey. Cada polis tin nan sosten y mi sosten ta mi yiunan. E ta bon y importante pa busca un refugio y bo famia ta e refugio. Semper busca un bon amigo of un bon colega. E ta yuda bo den bo carera policial! E porta blauw, episodio: E bida di un polis, ta sigui cu mas seccion pa asina nos comunidad por biba un tiki mas di serca di nos hendenan, e agente policial cu despues di pasa e porta blauw ey tambe ta un persona, un ciudadano di nos Pais. Un ciudadano policial cu un storia bunita pa conta nos comunidad.

DANKI MAESTRO BENJAMIN

Mi nomber ta Swinda Paulina mi ta hopi gradesí cu MAESTRO BENJAMIN pasobra mi tabata tin mal sueltu ma bai casino i ma pèrde mi sen ma hunga numberi a sali robes tur



caminda di suerte tabata será pero danki na Dios MAESTRO BENJAMIN ma recupero mi suerte bèk ma gana loteria na después ma bai casino i ma gana si bo caminda di suerte ta sera comunica cu MAESTRO BENJAMIN.

CEL/ 641-4186

Prensa Colombiano cu spotlight riba e caso

Famia kier haya sa kico a pasa cu Isabel na Hulanda

•Famia na Medellin awor ta exigi husticia pa su morto straño


MEDELLIN: Prensa na Colombia ta publicando e siman aki e relato di e famia di María Isabel Posada, un dama hoben di 25 aña di edad procedente di Medellin, kendenan awor ta pidiendo pa su morto na Hulanda wordo investiga profundamente, mirando e hecho cu e circunstancianan di su fayecimento ta sigui draai rond di inconsistencianan. E dama hoben a fayece na

December 2025 na ciudad di Rotterdam, den cual autoridad local na forma preliminar a deduci como un posibel venenamento cu substancianan quimico.

Segun su famia, María Isabel a viaha dia 2 di December for di Medellin buscando mihor bida economico pa sostene su yiu homber chikito di 2 aña, su mama, y demas famia. Menos di un luna despues el a fayece na

e continente Europeo. Aunke Polis di Rotterdam a indica cu ta trata di un intoxicacion, famia ta cuestiona cu no a informa precisamente cu claridad, si e substancia a wordo tuma boluntariamente of si tabatin un forma cu a fors'e di tuma esaki.

E mama Astrid Sánchez a indica na prensa, cu despues di un proceso complica di manda su shinishinan pa Colombia y cu a tarda



dos luna, y cu a depende di donacionnan priva, nan a ricibi informacion cu ta indica cu su yiu a ingeri GHB (Gamma-hydroxybutyrate), cu ta un remedi potente contra e sistema nervioso central, cu ta wordo uza ilegalmente pa hende bira halto, y ta conoci como 'Ecstasy Liquido'. E substancia GHB ta prohibi na Hulanda, y segun investigacion independiente haci door di famia, hopi biaha e ta wordo uza como un sorto di 'Date Rape Drug' pa somete e victimanan.

"Autoridad a bisa nos, cu nan no por confirma si el a tuma GHB boluntariamente, pero tampoco no por bisa si hendenan a oblig'e. E ora, kende por bisa nos ta kico exacto a sosode?" Esey ta loke e mama ta cuestionando for di Colombia.

E famia ta insisti cu ta existi declaracion y versionnan di storia cu ta indica cu María Isabel a wordo poni bao di presion economico, mirando cu el a haci 16 milyon Pesos Colombiano (como 7.677 Florin) di debe pa e costo di su mudamento pa Hulanda, cual practica hopi ta adverti ta comun den skemanan di

explotacion sexual.

Aunke e dama hoben a bisa su famia abiertamente cu e ta viaha pa busca oportunidadnan den exterior, nunca nan a pensa cu su viahe lo termina den un tragedia.

"E ta un muhe adulto y el a tuma su decisionnan, pero esey no nifica cu no tin derecho pa investiga su morto," e mama a bisa.

E famia di e dama hoben no ta djis busca contesta, sino tambe kier alerta otro hobennan riba e riesgo di acepta ofertanan laboral den exterior sin garantia claro. Mientras tanto, nan ta insisti pa Polis di Rotterdam no cera e caso sin un investigacion cu ta determina si acaso tras di e morto di María Isabel tabatin otro hende involvi.

"Nos ta alerta hopi mucha muhe cu aworaki ta pensando di viaha, pensando cu na otro pais tur cos ta 'color de rosa', mira con e dama hoben aki a bay tras di algun ilusion pero aya nan ta cambia tur condicion, y ta forsa bo traha, y principalmente pa e prevencion. Tambe pa haya claridad di e morto di dje aya, cu nos no ta nada satisfecho cu e resultado forensico aki," e mama a conclui.

LUNA DI LOCURA!

CUMpra 2 LOTTO 5 Y HAYA 1 LOTTO 5 LOCO GRATIS

CON PA HUNGA?

CU CADA COMPRA DI 2 LOTTO 5 RIBA E MESUN TICKET TA RICIBI 1 LOTTO 5 LOCO COMPLETAMENTE GRATIS. MAS BO CUMpra, MAS TICKET LOCO GRATIS BO LO RICIBI!

PROMOCION TA VALIDO DESDE 1 DI MAART TE CU 31 DI MAART

www.lottoaruba.com

LOTTO 5

Un tiki historia:

Departamento di Agricultura, Cria y Pesca lo celebra 50 aña di existencia

•Bin disfruta di e mercado Diasabra 7 di Maart

ORANJESTAD (AAN)-- Den e fin di siman aki, exactamente Diasabra 7 di Maart, di 8'or di mainta pa 12'or di merdia Departamento di Agricultura, Cria y Pesca tin su mercado di fruta, berdura, y diferente otro producto fresco, y nan lo celebra tambe nan di 50 aniversario, hunto cu tur cunukero, criado y tur esnan cu ta colabora


cu sector primario, manera Nathalie Maduro, director, a informa DIARIO, y un biaha mas nos ta trece dilanti pa pueblo tene bon den mente.

Pero e bez aki nos ta trece acerca un bunita relato cu nos a tuma for di Santa Rosa su website, tocante parti di e historia di LVV y su desaroyo.

E relato ta bisa asina aki:

Yamada a habri:

Chens un biaha mas pa 'tanda nobo' pa Beca di museo



ORANJESTAD (AAN): E tanda nobo pa Beca di museo a habri pa haci peticion. E programa aki ta facilita investigacion cu ta aporta na fortificacion di e funcion científico di museonan. Colaboradonan di museo por entrega peticion pa beca di investigacion, dirigi riba investigacion di y pa museonan. Informacion: Tur cos ta musta cu e sesion di informacion online lo bay ta otro siman dia 10 di maart. Exactamente riba diamars 10 di maart 2026 NWO ta organiza un sesion di informacion relaciona cu e tanda nobo di Yamada 'Beca di museo'. Durante e encuentro online aki participantenan ta ricibi mas informacion tocante e yamada y e proceso di aplicacion. Tambe tin suficiente oportunidad pa haci pregunta.

Pa mira e encuentro di informacion aki, bay na e website:

www.bit.ly/museo26

Tocante e Yamada: Den e programa Beca di Museo, colaboradonan di museo por pidi subsidio pa investigacion científico cortico y di profundidad, relaciona cu museo

of coleccion. E resultadonan mester beneficia e practica di investigacion riba tereno di museo y ser documenta den un publicacion cu acceso habri. Colaboradonan di un entidad di museo por fungi como peticionario principal. Pa cada peticion un investigado afilia na un organizacion di investigacion ta envolvi como guia di e investigacion. E programa Beca di Museo no ta fortifica solamente e posicion di investigacion relaciona cu museo den e area científico, pero ta promove tambe colaboracion y intercambio di conocimiento entre museonan y institucionnan di investigacion.

Pa check oficialmente e yamada pa proposicion, bay na e website:

www.bit.ly/museoyam

E biaha aki, esaki ta e presupuesto y ultimo fechanan. E blafon di subsidio pa e Yamada pa entrega proposicion aki ta suma en total € 700.000. Pa cada proyecto tin minimo € 10.000 y maximo € 50.000 cu por pidi na subsidio. E ultimo fecha pa haci peticion ta diamars 12 di mei 2026, pa 2:00 pm (ora di Europa).



“ Na aña 1976, Directie Landbouw, Veeteldt, Visserij en Markthallen (Santa Rosa), a wordo estableci como un proyecto experimental di Gobierno”.

E ta sigui splica cu despues di añanan di negligencia y cu empleadonan demotiva, y mirando cu agricultura, cria y pesca ta forma parti integral di Aruba su historia y cultura, Gobierno a dicidi di duna extra atencion na e departamento aki y asina crea un plan di maneho flexibel y innovativo pa hiba e departamento di DLVV den un direccion nobo.

“E meta di e maneho nobo aki tabata pa mehora e servicio brinda pa pueblo en general, pero muy en particular pa e Agri-Horticultor, Criado di bestia, Piscado y muchanan di scol.

E vision di Santa Rosa ta pa e departamento bira un lider den informacion, investigacion, innovacion, y guia riba tereno di Agricultura, Cria, Pesca, un departamento unda e cliente ta central y tin trahadornan contento y servicial. Durante e ultimo añanan, bao di maneho di Minister Otmar Oduber, conhuntamente cu e directoria Nathalie Maduro, e Departamento a mira un remodelacion completo. A haci introduccion di

mercadonan di Santa Rosa, cual tur luna ta duna pueblo e oportunidad di cumpra fruta, berdura y otro productonan organico, produci na Aruba mes. Alavez criadornan di bestia ta haya e oportunidad di bende nan carninan fresco

cual ta aporta na nan economia.

Riba e potret aki por mira con Santa Rosa a cuminsa na 1976. E potret aki a wordo saca cu tele-lens for di riba sero di Hooiberg. Den otro articulo un di dos parti di e relato aki.

Wardacosta a manda helicopter pa yuda turista cu a dwaal den mondi na Corsou



WILLEMSTAD: Tabata Diamars anochi un poco despues cu solo a caba di baha, cu Centro MOC di Wardacosta di Caribe Hulandes a ricibi un peticion pa asistencia for di Polis di Corsou.

Ta trata di un turista femenino Hulandes cu riba su mes a yama Polis debi cu el a bay dal un paseo den mondi cerca di Lagun na Banda Abao na Curaçao, pero el a dwaal y no por haya su caminda mas pa sali. Ta bon mes cu su smartphone ainda tabatin suficiente bateria, pa asina e por a duna autoridad su localidad.

Despues di e informe aki, Centro MOC a contact mesora cu e Helicopter di Wardacosta, cu e momento ey tabata patruyando. Nan a adapta nan ruta di vuelo, y e piloto a bira direccion Lagun.

Durante e accion aki, Polis a keda den contacto telefonico cu e señora, te ora cu e Helicopter a yega eyan. El a wordo localiza rapidamente, y via Helicopter a ser hiba pa Aeropuerto di Hato, unda Politur di Corsou a tum'e over pa dune guia y tuma su declaracion.

Caso di malversacion fondonan di Sports subsidie

Sospechoso Ruiz a reuni cu Fiscal y a traha un deal pa castigo di trabao pa comunidad y un boet



ORANJESTAD (AAN): Riba Diaranson, e sospechoso H. Ruiz a presenta den un Cita cu Fiscal na Ministerio Publico pa responde pa malversacion di fondonan publico di placa di SSA (Stichting Sports subsidie Aruba) den e caso conoci como 'Bromelia zaak'.

Sospechoso Ruiz ta ex-

casa di Parlamentario Xiomara Maduro. Siman pasa Corte den Prome Instancia a condena e sospechoso principal den e caso Bromelia, e homber K.R. Vrolijk, na un castigo di prison di 16 luna, di cual 10 ta condicional, y un periodo di prueba di tres aña. Durante e investigacion Bromelia a resulta cu

e sospechoso Ruiz a haci gastonan priva cu e carichi bancario di SSA pa un montante di mas of menos 1.800 Florin. Ademá, el a comete falsificacion. Mientrastanto el a paga e suma menciona bek na SSA.

Teniendo cuenta cu su funcion como dirigente di Consejo di Supervision di SSA, Ministerio Publico ta considera e hechonan aki specialmente grave.

Diaranson Ministerio Publico a ofrec'e Ruiz un resolucion extrahudicial, cu el a acepta. Ta trata di 100 ora di trabao pa comunidad, un multa di 1.500 y publicacion di e relato oficial aki.

Director di Aduana Aruba Roderick Croes: Edificio nobo di Douane lo keda cla mas tarda October 2026



ORANJESTAD (AAN): Departamento di Aduana Aruba pronto lo muda pa su edificio nobo na Barcadera, cu actualmente ta bou di construccion. E edificio nobo lo ofrece un espacio mas adecuado pa Douane, tanto pa traha como pa brinda un servicio mas profesional y eficiente. Director di Douane, Roderick Croes, den entrevista cu DIARIO a indica cu e mudansa aki no ta solamente fisico, sino tambe strategico. Douane lo modernisa tanto su infraestructura como su manera di traha, haciendo uzo di medionan y tecnologia moderno pa optimalisa procesonan y haci e trabou mas eficiente y efectivo. Segun Croes, e edificio nobo no tin relacion directo cu cambianan den control; e control actual lo keda intacto.

E enfoque principal ta pa mehora e ambiente di trabou y fortalece operacionnan interno y brinda miho servicio. Pero si el a menciona cu den futuro cercano, tin plannan pa crea un espacio tras di e edificio nobo pa haci control. E paso aki lo implica un adaptacion chikito den e proceso di control.

Croes a confirma cu e construccion ta progresando bon, aunke tin un retraso chikito di casi dos luna. Originalmente a proyecta pa completa e edificio na Juni proximo, pero awor ta spera cu lo por drenta entre September y October. Cu excepcion di e division di cargo na aeropuerto y na Barcadera, tur otro departamento di Douane lo bin den e edificio nobo, centralizando trabou y operacionnan bou di un mesun dak.

Na beneficio di henter pueblo:

Santa Rosa ta cumpli cu su vision pa sostene e agricultor y criadonan di bestia local

ORANJESTAD (AAN)-- Ta cu hopi orguyo LVV-Santa Rosa a tuma nota cu e productonan di agricultura y cria local, ta wordo uza den platonan na restaurantnan renombra rond di Aruba.

"Cumpliendo cu e vision pa sostene e agricultor y criadonan di bestia local, Santa Rosa a introduci un programa nobo, cual ta inserta cu tur Agricultor y Criado di Bestia cu ta inscribi na Santa Rosa lo ricibi un carnet di miembresia, cual nan lo ricibi descuento na diferente compania cu ta sostene Agricultura y Cria", Asina por lesa riba website di Santa Rosa.

E ta sigui splica cu durante e ultimo aña, Santa Rosa a sa di cumpli cu proyectonan grandi, manera "diez mil mata di fruta pa Aruba", cu a expande e flota di empleado, a duna sosten na abattoir y a engrandece nan surtido di producto.

Santa Rosa tin hopi plan pa desaroya, den su proceso pa sigui duna sosten na e agricultor y criadonan di bestia, informacion na studiantenan y un servicio excepcional na henter pueblo. Bao maneho di Santa Rosa y danki na e determinacion di empleadonan dedica, e departamento a sa di demostra di ta uno esencial y necesario pa Pais Aruba.

Matutino DIARIO ta felicita Departamento di Agricultura, Cria y Pesca cu nan di 50 aniversario, cu nan sigui crece den produccion, servicio, informacion y innovacion, na beneficio di e sector primario y tur esnan encarga cu e desaroyo interesante, necesario, indispensable y imprescindible aki.

BO TABATA SA?

*Conforme ley
Algemene
Politieverordening
Artikel 55a:*

**TA PROHIBI
PA UZA BLAAS
Y STROOICHI
(CONFETTI) DI
PLASTIC DEN
AIRE LIBER**



Ministro Dowers di bishita na dia di personal

DRH ta di vital importancia pa efectividad y eficiencia di servicio publico



ORANJESTAD (AAN): Diaranson mainta, Minister di Husticia, Integracion, Transporte Publico y Energia, mr. drs. Arthur Dowers, a atende na e personeelsdag di Departamento di Recurso Humano (DRH).

E personeelsdag di DRH no ta solamente un momento di reunion, pero un oportunidad strategico unda e ekipo cu ta carga recurso humano di henter aparato gubernamental ta reuni pa evalua, analisa y actualisa tur data relaciona cu empleadonan publico. Ademá, e programa a inclui sesionnan dirigi riba fortalecimiento di conocimiento y capacidad profesional di cada empleado di DRH.

Minister Dowers cu tin e maneho di DRH bao su responsabilidad, a habri e personeelsdag y a expresa su aprecio pa e trabao importante cu e ekipo di DRH ta haci tur dia tras di cortina. E profesionalnan di DRH ta esencial pa garantiza cu cada departamento tin e personal adecuado, e estructura

correcto y e guia necesario pa sirbi comunidad di Aruba na e nivel optimal. Como departamento cu tin e responsabilidad di supervisa y guia tur otro departamento di gobierno den materia di recurso humano, DRH ta ocupa un posicion structural den nos sistema gubernamental. Tin un bista cla y completo di e diferente aspectonan di e aparato publico, ta esencial pa por tuma decisionnan informa y guia mehoracion continuo di servicio publico. Sin un DRH fuerte, profesional y bon organiza, no por tin servicio di gobierno eficaz y eficiente. Ta importante pa tin data corecto, analisis profundo, procesonan bon defini y planificacion strategico pa asina fortifica transparencia, responsabilidad y calidad den servicio na comunidad. “DRH ta un departamento cu ta sostene tur departamento di gobierno y ta esencial cu bo mes tin bo huishouden na ordo. E diferente procesonan den DRH ta canando y tin intencionnan hopi serio pa mehora



e calidad di servicio na comunidad”, Minister Dowers a indica.

Pa trece cambio positivo pa e funcionamiento di departamentonan gubernamental, DRH algun aña pasa a inicia cu Prestatiemanagement, Land Aruba Academy y algun luna atras a inicia cu Leiderschapstraining. Prestatiemanagement ta e sistema di evaluacion di funcio-

namento di empleadonan publico. Cada seis luna ta haci evaluacion y ta duna guia pa mehora nan funcionamiento y asina eleva e nivel di servicio na publico. Land Aruba Academy ta un portal digital di DRH cu ta contene cursonan gratis cu cada empleado publico tin acceso na dje y ta ofrece esaki na diferente nivel y riba diferente topico pa yuda

expande conocimiento di empleadonan publico. E bishita di Minister Dowers ta confirma su compromiso pa modernisa y fortifica e aparato gubernamental, poniendo enfoke riba efectividad y eficiencia, profesionalizacion y bon gobernacion. DRH ta y lo sigui ta un pilar central den e proceso di mehoracion continuo di nos servicio publico.



COMUNICADO

Banco Central di Aruba (BCA) ta informa cu e moneda conmemorativo di plata di 5 Florin “Trupial” ta obtenibel desde 5 di maart 2026 na BCA.

E Trupial ta un parha di color oranje-preto hopi yamativo cu ta biba na Aruba, Boneiro y Curaçao. E Trupial tin un cabes, lomba y rabo preto, y su halanan tin pluma preto y blanco, pero e resto di su curpa ta oranje briyante. E Trupial ta conoci no solamente pa su color hopi bunita, sino tambe pa su cantamento melodioso. Durante cantamento, e plumanan riba su garganta ta lanta, y su cantamento por wordo scucha henter dia. E Trupial ta considera un “pirata di neishi”. Na lugar di traha su mesun neishi, e ta busca un neishi bashi of e ta ataca otro parha pa tuma over nan neishi.

Specificacion:

Metal:	Plata (925/1000)
Diameter:	38 mm
Peso:	25 gram
Calidad:	Proof
Denominacion:	5 Florin
Prijs:	Afl. 230,00



Pa mas informacion por tuma contacto cu Departamento *Cash Operations & Logistics* di BCA na telefon 525-2139.

Pa compra: Caha di BCA na J.E. Irausquin Boulevard 8, mainta entre 8:30 y 11:45 y merdia entre 1:15 y 3:30.

Adaptacion na clima ta responsabilidad di henter Reino Hulandes

•Tur tin cu percursa cu derechonan fundamental ta proteha y respeta

ORANJESTAD (AAN): Durante su presentacion den e ultimo IPKO cu a tuma luga na Aruba, señora Oriana Wouters, un activista di clima y representante di e Grupo di Clima y Husticia Social Caribe Hulandes, a trece diferente punto relaciona cu adaptacion na clima. El a enfatisa cu e aspecto di adaptacion na clima no solamente ta un cuestion di Hulanda, pero di henter Reino Hulandes.

Wouters a enfoca riba e caso di Bonaire na unda cu corte a determina cu Hulanda ta discrimina maneho contra di cambio di clima na Bonaire. Esaki supuestamente pasobra ya e maneho ta estableci na Hulanda. Oriana Wouters a demostra e parlamentarionan presente,

cu articulan den statuut (waarborgfuncties) ta indica cu den aspectonan di clima, henter Reino tin su responsabilidad pa carga y pa percursa cu derechonan fundamental di e personanan riba e islanan di Reino y na Hulanda ta wordo proteha y respeta.

Un otro punto cu el a menciona ta cu tin actividadnan recien cu a pasa den islanan di Reino cu sosten di Hulanda entre otro accionnan di 'The International Panel on Deltas and Coastal Areas (IPDC)' cu a yuda e paisnan den Reino wak nan scenarionan climatico y a yuda nan crea plannan di implementacion. Segun Wouters, ta yegando e momento na unda cu tur pais mester crea nan plan di adaptacion



pa clima.

Sinembargo, el a menciona, ta conoci cu tin falta di fondo pa sigui e sosten tecnico. E ora, segun señora Wouters, ta Reino mester percursa pa esaki tuma luga pa motibo cu e ta un actividad cu ta den number di re-

siliencia climatico.

Banda di esaki, e islanan tin un posicion special den e convenio di cambio di clima, entre otro un fondo pa perdida y daño, y otro fondonan pa adaptacion cu nos islanan no tin acceso na dje pasobra e islanan no a firma e convenio mientras cu Hulanda a firma. Y door di e posicion cu e islanan tin den Reino, ta haci cu mester depende mas riba Hulanda pa percursa cu tin accionnan di clima na e islanan.

Un otro punto cu Wouters a enfoca riba dje durante IPKO tabata tocante e acceso na e fondonan mes. El a menciona cu tin structuranan caba cu proyectonan local por

haya fondonan di Hulanda, e Rijkscultuurfondsen, cu ta enfoca riba cultura. El a subraya cu door cu clima ta toca tur sector, por haci cu accionnan climatico ta proteha herencia cultural y herencia natural di cultura.

Segun Wouters, e no ta rekeri hopi di e parlamentarionan Hulandes pa traha un amienda chikito den e ley di Rijkscultuurfonds pa asina por lo menos cuminsa haci e fondonan aki disponibel pa accionnan climatico tambe caminda cu organizacionnan local por efectua e proyectonan aki segun nan propio capacidad pa crea e proyectonan segun e identidad di cada isla.

Accident fuerte entre auto y motorcycle na Ponton

ORANJESTAD (AAN): Diamars anochi autoridad a haya informacion, cu riba e caminda di Playa pa Noord, pariba di Ponton Service Station un accident a caba di socede, y cu tin un motorcycle envolvi. Mesora un patruya di Playa, y tambe mesora a notifica Centro di Alarma pa manda un unidad di Ambulance. Esey ta debi cu mas hende a keda yama y informa cu ta trata di un impacto duro. Testigonan a bisa cu e accident ora cu e motorcycle tabata pasando, of ta pasando un auto, y a hay'e envolvi den un dalmento cu por a resulta hopi mas serio pe. Despues di e impacto, e motociclista a keda parcialmente bao di e auto sedan Nissan Sentra.

E prome unidad di Polis cu a yega, a nota cu e impacto entre motorcycle y e auto ta duro, como cu e parti drechi di e auto a keda basta kibra.

Den e impacto, e motorcycle mes a keda lastra varios meter bay nort, y stop riba acera banda pariba di caminda, cerca di un cura di cas.



Ambulance cu a yega na e lugar, a core baha y Paramediconan mesora a atende cu e motociclista. E caminda mester a wordo cera, debi cu e auto a kibra di un manera cu e nor core mas. E chauffeur di e auto a sali ileso.

Na final, Takelwagen tabata necesario pa kita e auto di e caminda.



Columna E Sembrado

Di Dos siman di Cuaresmaña 2026Ciclo A.

CalendarioLiturgico

Lectura: Jeremias 17, 5-10;
Salmo: 1,1-6;
Evangelio: Lucas 16, 19-31;

E tabatin gana di mata su hamber cu loke tabata cay for di e homber rico su mesa, ma ta cacho tabata bin lembe su yaganan. (Lucas 16, 21)

E Evangelio ta muestra un aversion total na placa, sin piedad. "Ay di bosoriconan!, pasobra yaboso a hayabosoconsuelocaba".E Evangelio di e Reino ta proclama cu Dios a entrega su mescompleto;enseñansa di un union perfecto, drentando den cas di Dios Tata. Pero pa alcanza esey mester renuncia tambe na tur cos. Pa obtene e perla precioso, e unicorikesa, mesterbendetur cos (Mt. 13, 45), pues no por sirbi dos señor, y placa ta un señor implacable, e ta sofoca e palabra di Evangelio; ta haci cu bo ta lubida loke ta mas importante; e soberania di Dios. E ta un obstaculo riba caminda di perfeccion. Kiermen e ta un ley absoluto, cu no conoce excepcion." Ken di boso cu no renuncia na tur boso biennan, no por ta mi discipulo". Esnan rico cu ya ta gosa di nan bon posicion aki na mundo y cu a encontra aki bou nan consuelocaba, no pordrenta e Reino.Esnanrico ta responsabel pa e pobernan; ken cu kier sirbi Dios ta duna su placa na pobernan, ken cu sirbi 'mammon' ta ward'e pa su mes probecho, pa e por depende di dje.

Oracion: Hesus duna mi e gracia pa desprende ditur cos pa bo Reino. Amen.

GrupoCentro Pastoral Aruba

Den su maneho y colaboracion

ATSA ta cla pa contribui pa un 'Beach Policy' sostenibel

ORANJESTAD (AAN): Den un encuentro recien cu minister di Turismo, Transporte y Labor, e organizacion Aruba Timeshare Association (ATSA) a reafirma su compromiso completo den solucion constructivo, basa riba bon colaboracion cu gobierno di Aruba den cuadro cu desaroyo di un 'Beach Policy' sostenibel y balansa.

ATSA a comparti cu minister cu recientemente nan a participa den e proceso investigativo di SER pa loke tas e proceso concerni cu Aruba su maneho di playanan, hunto cu su sosten di e consul pa haci un yamado na coordinacion mas structura, un maneho cu ta duidelijk, manera tambe cooperacion cu tur stakeholder involvi.

Como entidad representativo di un parti grandi di Aruba su sector di hosi-

talidad, ATSA ta para cla pa contribui den termino corto y largo pa solucionnan practico, sostenibel y cu ta sirbi interes nacional. ATSA ta enfatisa cu un colaboracion cu ta basa riba respet mutuo, transparencia, y responsabilidad comparti, ta esencial den por logra resultadonan duradero.

Aruba su playanan ta un di e isla su recursonan natural di mas precioso. Nan preservacion no ta solamente un forma di regulacion, e ta un responsabilidad colectivo. Habitantenan, bishitantenan, entidadnan gubernamental y sector priva ta comparti e responsabilidad pa mantene nos playanan limpi, safe y accesibel pa un y tur. Respet pa otro mester ta man den man cu respet pa nos medio ambiente.

ATSA ta haya cu pa progresa, bo mester traha den union



c'un mesun meta positivo nacional. Turismo ta keda e entrada di mas grandi pa Aruba, pa mantene nos economia stabil como tambe nos bienestar social. Salvaguardando nos medio ambiente y naturalesa mientras ta percura y segura cu tin claridad, ordo, y un maneho husto di nos playanan, ta fortalece nos comunidad y nos reputacion internacional.

Adicionalmente na discusion di Beach Policy, ATSA ta sostiene dialogo mas habri riba prioridadnan nacional cu ta contribui den calidad di bida y maneho di destinacion, incluyendo mehoracion di infraestructura manera nos careteranan, 'waste-water management', regulacion di zonido y tiramento di sushi, moratorio di construccion di

hotel y condo, scarcedad di taxi, UTV exit-strategy y regulacion responsabel den corto termino den mercado di huur. E areanan aki, manera maneho di nos playanan, beneficianan di un maneho balansa, colaboracion di tur stakeholder en volvi y ehecucion consistente.

ATSA tin confianza cu pa medio di dialogo structura y bon fe, den bon cooperacion cu otro, Aruba lo por yega na solucionnan cu ta refleha sostenibilidad den forma husto, y cu respet na tur. ATSA ta anticipa den mas dialogo cu minister di Turismo y tur otro partner relevante den e proceso formal venidero. Hunto, nos por sigura cu Aruba ta permanece un destinacion defini pa harmonia, cuido ambiental, respet mutuo, y prosperidad comparti.

Diasabra awor

Ministro Geoffrey Wever estimulando comunidad pa mercado semanal di Santa Rosa

ORANJESTAD (AAN): Ministerio di Finansa, Asunto Economico y Sector Primario, mr. Geoffrey Wever, ta invita pueblo di Aruba pa bishita e mercado di Santa Rosa cu lo tuma lugar atrobe Diasabra awor, Maart 7.

E sector primario ta uno masha importante, y ta un sector di enfoka pa e ministerio di Minister Wever. Ta reuni frecuentemente cu varios stakeholder den e sector, y a wordo indica cu tin un deseo pa e Mercado di Santa Rosa tuma lugar cu mas frecuencia. Mirando e importancia y impacto positivo di e sector primario y e popularidad di e Mercado di Santa Rosa, nos a tuma stapnan concreto pa wak



esaki bira realidad.

Awor nos ta contento pa anuncia cu e Mercado di Santa Rosa lo tuma lugar semanal, enbes di mensual. Pueblo por disfruta di cumpra varios producto fresco y local, aportando na e economia local di Aruba, y tambe na e cunukero y agricultornan di nos isla. E mercado aki lo tuma lugar 3 siman na Santa Rosa y un si-

man na Plaza Lolita den e centro di San Nicolas como parti di e Pop-up Market.

Ta importante tambe pa comparti cu si bo persona kier participa cu bende producto local (fresco) na e mercado di Santa Rosa, registra na tempo ya cu espacio ta limita.

Minister mr. Geoffrey Wever ta felicita Santa Rosa pa e bon trabao cu nan ta eherciando y pa e apoyo cu nan ta duna na e sector primario. Sector primario ta forma un parti di nos cultura di Aruba, y nos ta invita pueblo henter pa bishita e Mercado di Santa Rosa y forma parti di crea un impacto positivo den nos economia y nos comunidad.

Maria a gana bon placa hungando cu Zodiac

ORANJESTAD (AAN): E ta keto bay un di e weganan di mas popular di Lotto, unda cu bo ta djis escoge un number consistiendo di cuatro cifra, y bo ta agrega un signo zodiacal y mesora bo ta den wega pa Zodiac.

Esey ta loke Maria a haci tambe, cumprando numbernan di suerte. El a bin nota cu el a gana tambe.

Pesey riba Dialuna el a acudi na oficina di Lotto pa reclama su premio. Aki e funcionaria a revisa su ticket, y ora cu el a scan e barcode riba e ticket, e computer di Lotto mesora a confirma cu Maria a gana

12.500 Florin cu e sorteo di Zodiac.

Mesora a transferi e premio electronicamente pa su cuenta di banco. Maria a indica cu e ticket ganador el a cumpra na Meiveld Lucky Lottery.



Special

Nos amiga ruman bisiña

Skirbi pa:

Ruthy 'Lady Ruth' Vrieswijk-Bergen

Lieve Yolanda,
Nos bunita amiga ruman bisiña
Di bo nos tur a siña
Pa ta un mihor hende
Bo ehempelnan como un shon
di hende bondadoso
Yen di zjeito y gozo
Un muher elegante
tur momento
Semper atento
Awe cu bo ochenta cumpli
Nos a reuni
Pa celebra cu Yolanda
Pa bisabo cu nos ta stimabo
Pa dunabo muestra di nos cariño y amor
Cu bendicion di nos creador



Aunke bo no por hasi tur locual bo tabata por, aunke bo no por bay mas den bo auto bo mes tur caminda mas, bo ta wordo rondona, cuida y bon trata den bo mesun cas, bo yiunan ta cargabo cu nan bunita cuido pa bo cu bon atencion

Nan ta stimabo anto con!

Awe nos tur ta felicitabo cu tur bon deseo fey nos curason Sigi acepta cada dia como un regalo di bendicion Goza na bo mesun manera den cada etapa nobo cu presenta

Dios ta proteha y eleva
Bo ta un regalo precioso
Pa nos tur den e bunita hende cu bo ta
Sigi luci cu bo beyeza natural y unico
Dios tin nos tur bao su halanan bon cubri
Pabien cu bo 80 primaveranan cumpli

Pa bo lieve mooie Yolanda nos ta expresa:

Salud, alegria y sabiduria dia pa dia

Hiep hiep hiep hoerraaa

Ruthy 'Lady Ruth',
Februari 2026

Parlamentario di AVP, John Hart:

Na maart UNOPS ta presenta Parlamento di Aruba plan pa un prizon nobo

ORANJESTAD (AAN): – Parlamentario di AVP, John Hart, den su rol como Presidente di Comision di Husticia di Parlamento, a pone riba mesa e discusion tocante e necesidad di un prizon nobo pa Aruba.

Minister di Husticia a informa Presidente di Comision di Husticia, Sr. Hart, cu den luna di maart 2026, United Nations Office for Project Services (UNOPS) lo bishita Aruba pa duna un presentacion oficial na Parlamento. Comision di Husticia ta considera esaki un paso importante, y kier tambe intercambia cu Minister riba e plannan concreto di Gobierno pa desaroyo di un facilidad

correcional nobo, considerando e situacion di deterioro alarmante di Korrektie Instituut Aruba (KIA) na Santo di Patia.

UNOPS ta un organismo internacional cu ta brinda apoyo tecnico na proyectonan grandi di reconstruccion y infraestructura, financia pa partnernan internacional. Nan ta enfoca riba compra transparente, maneho profesional di proyecto y cumplimiento cu normanan internacional. Entre otro, UNOPS a participa den reconstruccion y modernisacion di scolnan, facilidadnan medico y infraestructura publico den diferente pais.

Na juni 2025, Comision di

Husticia a organisa un bishita di trabou (werkbezoek) na KIA, unda a tuma luga un intercambio extensivo cu e equipo directivo di e institucion. Durante e bishita, Hart a expresa su preocupacion profundo tocante e estado actual di e facilidad.

Segun Hart, e condicion infraestructural di KIA ta lamentablemente den un estado preocupante y no ta brinda un ambiente adecua ni pa personal ni pa deteni. “Nos mester reconoce cu e infraestructura actual no ta satisface e exigencianan minimo di un institucion correcional moderno. Un edificio nobo no ta un luho, pero un necesidad,”



Hart a declara.

Ademas di e aspecto infraestructural, el a enfatisa cu tema di personal, seguridad y specialmente resocialisacion di preso mester ricibi prioridad den e periodo cu nos tin dilanti. “Un sistema correcional efectivo no ta limita su mes na detencion. Resocialisacion y reintegracion mester ta parti

integral di cualquier plan serio pa un prizon nobo.”

Hart a indica cu e presentacion di UNOPS den Parlamento ta un oportunidad importante pa evalua opcionnan, comparti informacion tecnico y papia riba solucionnan sostenibel pa futuro. Como Presidente di Comision di Husticia, e ta comprometi pa mantene e discusion transparente y enfoca riba interes general di pais.

“Seguridad, dignidad humano y buen gobernacion mester ta e base di cualquier decision cu nos tuma. E debate riba un prizon nobo mester ta serio, fundamenta y orienta riba solucion realista pa Aruba,” Hart a conclui.

Parlamentario Eduard Pieters (PPA):

Agricultura y Ganaderia no ta djis un paisahe sino un pilar economico y social

ORANJESTAD (AAN): Parlamentario Eduard Pieters a bishita Santa Rosa, e centro di agricultura, ganaderia y pesca di Aruba, pa haya un mihor panorama con e departamento aki ta maneha su responsabilidad fundamental brindando sosten na nos cunukeronan y seguridad alimentario. Santa Rosa no ta solamente un terreno pa cultiva; ta un hub strategico pa agricultura, ganaderia, pesca y desaroyo sostenibel, cu implicacion social y politico profundo.

Santa Rosa, e Directorado di Landbouw, Veeteelt y Visserij (DLVV), ta responsabel pa apoya y desaroya e sector di agricultura, ganaderia y pesca, cu ta forma parti di e esfuerso pa logra ‘food security’ y poco poco bira menos dependiente di importacion.

Durante su bishita, Pieters a expresa su gratitud pa directora y su ekipo, pa nan apertura y transparencia pa parti informacion detaya riba e plantacionnan, criansa di bestia y metodologia di maneho actual. “E ta un departamento hopi importante pa nos cunukeronan y no por wordo neglisha, pasobra tin un balor economico, social y cultural significativo den nos comunidad,” Eduard a enfatisa.

Proyecto ambicioso: Santa Rosa ta promove iniciativa cu ta mas largo cu djis un cultivo basico. Santa Rosa ta duna apoyo pa agricultura local y



ganaderia pa aumenta produccion y calidad, ta percura pa renovacion y construccion di infraestructura riba e piernan rond di Aruba pa facilita transporte y maneho di producto local. Tambe tin un proyecto moderno relaciona cu dragon fruit y otro cultivo, cu por stimula economia local y diversifica produccion.

Tin un MoU, cu ta pa mehora calidad di criaderia di bestia den Aruba, cu por yuda pa eleva produccion y rendimiento di bestia local.

Desaroyo sostenibel: Un elemento cu Pieters a nota ta e importancia di Agri Innovation Park Aruba, un proyecto cu ta den proceso di diseño tecnico y evaluacion economico pa produccion local y uzo di tecnologia moderno den agricultura y ganaderia. “E Agri Innovation Park (AIP) ta un iniciativa strategico cu mester integra tecnologia moderno den agricultura, crea un ambiente pa siña y fomenta

resiliencia den sistema alimentario di Aruba.

Ta un paso crucial pa enfrenta reto mundial di food security y vulnerabilidad economico, cu ta afecta e islanan chikito manera Aruba”. Sinembargo PPA semper a cuestiona e forma con a ehecuta AIP te awo. Di otro banda gobierno via Santa Rosa mester por brinda mas ayuda na agricultornan local pa e herencia aki no bay perdi.

Impacto social y cultural: E bishita na Santa Rosa no ta solamente tecnico, sino tambe cultural. Aruba tin un tradicion agricola profundo, unda proyecto di plantacion, crianza y mercado di agricultura por sirbi como un motor pa preserva e practicanan tradicional di nos cunucu.

Aki Parlamentario Pieters a declara: “Aruba mester explora posibilidad di un sistema di preservacion y distribucion di simia local y forma di planta tradicional pa fortalece pro-

duccion interno y protega biodiversidad.”

Pieters ta gradici Santa Rosa pa su esfuerzo, pero tambe ta señala cu gobierno mester subi su compromiso na nivel mas alto. “Aruba no por trata agricultura y ganaderia como un complemento, nos mester trata esaki como parti strategico di nos seguridad alimentario, economia diversificacion y resiliencia. Gobierno mester fortalece financiamiento y


sosten pa agricultura y ganaderia y promove colaboracion entre sector publico y priva pa genera empleo, educacion y desaroyo sostenibel”.

PPA ta haci un yamada pa Gobierno actua cu direccion, responsabilidad y vision futurista. Aruba tin materia prima, talento y necesidad, loke cu nos falta ta boluntad politico pa comberti potencial den realidad.



Bishita Real lo marca un paso nobo pa deporte acuatico na Aruba

Atletanan y federacion ta mira e groundbreaking na Savaneta como un impulso grandi pa futuro



ORANJESTAD (AAN): Den marco di e celebracion nacional di 18 di Maart, cu e pais ta conmemora 40 aña di Status Aparte y 50 aña di Himno y Bandera, e programa di e bishita di Rey Willem-Alexander lo inclui un momento simbolico di gran balor: e groundbreaking na Piscina Olimpico na Savaneta, relaciona cu e desaroyo di un piscina nobo pa fortalece e infraestructura deportivo acuatico di Aruba.

Den un serie di entrevista na sitio, diferente bos di e comunidad deportivo a expresa orguyo y emocion pa e hecho cu e celebracion nacional tambe ta crea espacio pa progreso den deporte y participacion di e hobennan.

Devin De Veer, miembro di e famia di Barracudas Artistic Swimming, atleta den categoria Masters y coach di hobennan, a expresa cu e grupo ta sinti hopi orguyo pa forma parti di e evento.

Segun Devin, e presentacion lo inclui combinacion di atleta di diferente edad, desde muchanan di 12 aña of menos, te cu atleta den categoria Masters, cu algun di nan ta rond di 40 aña.

Tur atleta a tuma e presentacion hopi serio y cu nan a dedica tempo y training pa prepara e show. Pa representa Aruba den un evento di caracter nacional ta algo cu tin un significado special pa tur miembro di e ekipo.

Leandro Santiesteban, atleta nacional cu ta bin for di famia landado, a comparti cu e oportunidad pa forma parti di e programa den e dia historico aki ta un honor grandi: “Pa mi ta un orguyo pa representa Aruba den un

momento asina. E ta un impulso grandi pa nos hobennan y pa deporte.”

Maureen Croes, representante di e sector acuatico, a subraya cu e proyecto ta bay hopi mas leu cu un ceremonia. Segun el a splica, e piscina nobo lo resolve necesidadnan importante pa entrenamiento y competencia, entre otro: mas espacio pa warm-up y miho condi-

cion pa disciplinanan cu ta rekeri profundidad specifico, manera artistic swimming.

“E desaroyo aki ta cambia e vision pa e federacion y pa tur e atletanan,” Croes a expresa, añadiendo cu e logro aki ta fruto di hopi aña di trabao, planificacion y persistencia pa yega te e etapa di realizacion.

A pone enfasis riba e balor di e evento pa e comunidad de-

portivo, pasobra e actividad lo invita no solamente atleta elite, pero tambe hobennan, masters y landadonan pa ta presente y mira di cerca un paso nobo den desaroyo deportivo di Aruba. Den e vision aki, e groundbreaking ta bira un simbolo di inversion den hubentud, salud y futuro.

Cu e momento aki, e celebracion di 18 di Maart ta confirma un mensahe importante: celebra Aruba ta no solamente recorda e historia y e lucha di generacionnan pasa, sino tambe sigui traha riba e futuro, cu oportunidad, infraestructura y inspiracion pa e siguiente generacion.



Minister cu bishita oficial na Bureau Interne Diensten



ORANJESTAD (AAN): Den cuadro di su maneho pa cu su cartera di Minister di Servicio Interno, drs. Rene Herde, recientemente a bishita Bureau Interne Diensten (BID).

Minister Herde hunto cu su team a haci un recorrido na BID y a pasa na diferente seccion. E trahadonan a comparti cu Minister kico nan trabao ta encera.

Despues tur hende presente a haya un presen-



tacion di Departamento di Recurso Humano (DRH) tocante e restructuracion di nan departamento. Na final di e presentacion e trahadonan di BID tabatin

e oportunidad pa haci pregunta.

E meta di e bishita aki tabata pa e trahadonan haya informacion tocante e restructuracion, pa asina nan



por ta na altura di kico esaki ta nifica pa nan y alavez pa duna nan oportunidad pa comparti cualquier preo-

cupacion cu nan por tin.

Minister Herde kier gradici BID y DRH p'e cooperacion brinda.

Dia Publico awe diahuebs na Biblioteca San Nicolas



ORANJESTAD (AAN): Awe, Diahuebs dia 5 di maart un y tur ta Bonbini na biblioteca San Nicolas, un espacio pa comunidad. Cu mucho gusto ta presenta un Open House di 2or pa 7or, pa duna tur oportunidad pa pasa den e diferente espacionan.

Tin diferente cambio den espacionan. Ta ofrece evenemento pa tur hende, e dia aki. Diferente actividad social y educativo pa tanto mucha como adulto, tambe poco musica...

Biblioteca ta un lugar unda henter comunidad por busca informacion, studia, haya idea y inspiracion y mucho mas. Nos ta contento cu bo(so) presencia. BNA ta celebra lesamento, acceso liber na informacion, curiosidad y comunidad. Diahuebs awo, drenta, conecta y descubri!



Parlamentario Endy Croes riba caso Avestruz:

Corupcion tin un prijs y ta e ciudadano ta pagando p'e



ORANJESTAD (AAN): Parlamentario Endy Croes di MEP, awor cu ta acercando e veredicto final di Caso Avestruz na April venidero, e ta recorda pueblo cu corupcion miyionario di AVP no ta djis un storia di pasado, sino un daño cu ciudadanonan ta sinti te awe. “E corupcion aki a horta e futuro di bo

yi y di bo nieto,” Croes a declara, mustrand e documentonan oficial di caso Avestruz.

‘Amigonan prome, Pueblo ultimo’: Segun Croes, caso Avestruz a proba con un “gang” (grupo) cera di amigonan a enrikece nan mes cu loke ta di nos tur.

E deal: Benny Sevinger

tabata duna terenonan comercial grandi na un grupo selecto di amigonan contra tur regla.

E benta: E amigonan aki tabata bira bende e NV mesora pa miyones di Florin cu stranhero.

E favor: A cambio, Minister tabata ricibi “regalo” manera e fiesta di 15 año di su yiu den ballroom di hotel.

Parlamentario Croes a splica cu hopi hende ta pensa cu esaki ta un caso di corupcion di Gobierno y cu ta na Gobierno pa ‘deal’ cu e asunto. Pero e realidad ta doloroso, e caso aki ta afecta abo directamente:

Falta di terenopacas: Mientras Benny tabata regala hectareanan di tereno na su amigonan pa nan bende y bira miyionario, awe abo mester warda 10 pa 15 año

riba un lista di espera pa un pida tereno pa traha un casa pa bo familia. Nan a bende bo derecho di tin un hogar pa nan mesun beneficio.

Ora amigonan di AVP bende tereno di pueblo pa miyones di dolar na inversionistanan stranhero, e prijs di tur cos rond di dje ta subi. Esaki ta un di e motibonan pakico bida a bira asina caro pa nos tur.

Mega Debe: E placa cu mester a drenta den caha di gobierno pa drecha bo caya gelapi, e scol di bo yiu, of bo centro di barrio, tur e placa aki a bay den saco di e “gang” di Avestruz.

“Premium Brands” riba bo custia: Den e dossier legal (pagina 38), Pristine Estates (Holiday Inn) a admiti di a paga USD 7.968,89 pa e fiesta di 15 año di e yiu di Benny Sevinger.

inger.

“Imagina bo,” Croes a bisa, “mientras abo ta lucha pa paga bo recibo di awa y coriente, e elite di AVP tabata goza di alcohol di ‘Premium Brands’ paga pa doñonan di hotel cu tabata busca favor di Minister.”

Un aviso pa luna di Maart: Endy Croes a manda un aviso cla: “Tene boso toontjie lager.” Durante luna di Maart, e lo sigui desmantela e caso aki pida pida.

“Pueblo mester sa cu e falta di tereno pa bo yiu awe, tin un nomber, un familia y un partido politico: Benny Sevinger y AVP. Den April, husticia lo papia: Husticia por tarda, pero e ta yega si!”

E potret aki ta pa cortesia di Endy Croes.

Desaroyo cultural y entusiasmo halto den San Nicolas pa celebracion na caminda

ORANJESTAD (AAN): Durante recorrido den fin di siman na San Nicolas, Prome Minister Mike Eman a expresa su satisfaccion cu e desaroyo positivo cu ta tumando luga den San Nicolas, especialmente den marco di e celebracion di 40 año di Status Aparte y 50 año di Himno y Bandera.

Un di e punto culminante di e recorrido tabata e bishita na e mural dedica na artista local Julio Bernardo Euson, un talento Arubiano cu a representa Aruba internacionalmente y cu a gana reconocimiento na escenario mundial.

Segun Premier Eman, e momento aki ta ideal pa reconoce talento local cu a carga Aruba su nomber cu orguyo pa mundo. “E celebracion nacional no ta solamente pa recorda historia politico, pero tambe pa honra nos talento cultural cu a contribui grandemente na identidad di nos pais,” el a enfatisa.

E mural, situa riba Chocolate City, ta forma parti di un ambiente cultural mas amplio, incluyendo exposi-



cionnan y actividadnan cu ta pone enfasis riba e legado di Euson y cual lo forma parti di e celebracion nacional na caminda. Prome Minister a señala cu hopi hende conoce su musica, pero no tur generacion mas hoben conoce e

profundidad di su historia y su impacto.

“E ta un artista cu a gana mas premio internacionalmente cu cualkier otro Arubiano. Su musica ta forma parti di e alma di Aruba,” el a indica. Ademas, e celebracion nacio-



nal principal di 17 di maart lo tuma luga na San Nicolas, un decision cu, segun Premier Eman, ta reenforza e importancia di Pariba di Brug como centro cultural y historico. E reaccion positivo di comunidad a confirma e entusiasmo

cu tin pa e evento.

Minister President Mike Eman a conclui cu e energia, creatividad y liderazgo cu ta surgiendo den San Nicolas, ta un señal cla cu e ciudad ta sigui crece como un pilar cultural y creativo den Aruba.

Diario-15

Competencia di Domino

Team Snor no a duna Sero Blanco chens



ORANJESTAD (AAN): Diasabra cu a pasa, net net riba e ultimo dia de Februari, tabata tin un tremendo “clash” entre dos team rival aya na e palacio internacional di pega piedra, esta e mundialmente famoso Domino Square Garden. Ta trata nada menos di Team Snor, bou guia indiscutibel dje flamante “Snor” Perez, y e trabuconan di Sero Blanco DT, militando entre nan e dinamico derado di gay di San Juan, e legendario horcado di dobel 6 di tur tempo, Nai Rasmijn!

Cos a habri poco frega pa e ekipo di Sero Blanco, ken-

denan aparentemente a haya nan cu problema serio den nan sistema di AI (Artificial Intelligence): den “no time” Team Snor ta dilanti cu score di 5 - 0! Wilson di Team Snor ta pone un “witte schoen” te n’e top dje Sero Blanco! E “big white machine” ta cuminsa ranca pocopoco style di motor di diesel y un rato despues cos ta para na 6 - 3 na favor di Team Snor. Sinembargo, aki Team Snor ta schakel un paar di gear extra y prome cu blink wowo, ya ta yega halftime cu score impresionante di 11-4.

Manera costumber, pasa-

palonan ta skeiro rond completamente gratis pa hungado y publico, mientras cu tin tur oportunidad pa haci foto-shoot, intercambia di strategia y tactica p’e segundo mita di tempo. Tur cos tabata indica cu aki por bien ta cay un massacre n’e team di “White Hill”, pero toch un caminda ta sinti cu e trabuconan di Sero Blanco a cuminsa coy curpa. Dado momento, nan a te asta tribi di pasa “Don Snor himself” un sapato blanco! Despues cu Snor gara un paar di punta y pone score na 14 - 6, Sero Blanco ta bay todo por

todo y pocopoco ta corta bentaha te na score di 16 - 11.

Aki si Team Snor ta habri un extra bela riba nan yate di placer y cu biento di cuaresma den lomba nan ta move rapidamente pa 20 - 12, caminda despues di un grito di victoria, Roy Sneek ta canta 21 p’e ekipo cu uniform mas copioso den liga! Na un manera convincente, Team Snor ta aplasta Sero Blanco DT cu score final

di 21 - 12! Aunke riba papel ta mostra un “walk over”, den un entrevista exclusivo Nelson “Snor” Perez a declara cu den di dos mita Sero Blanco DT a haci nan bida sumamente dificil y semper Sero Blanco lo keda un team di respeta y peligroso! Shonnan, aña a habri candeloso y primintiendo sambombasonan di wega! Keda pendiente.

Debi na biento fuerte di Cuaresma...

Modechi Werleman consehando pa pone horket rond di matanan di Bacoba

ORANJESTAD (AAN): E dianan aki, tin biaha rafaganan di biento ta yega te hasta 61 km/h. Esaki ta debi na un area grandi di presion halto cu keto bay ta riba Oceano Atlantico.

Na Aruba, nos bieunan conoce esaki como temporada di “Bientonan di Cuaresma”. Via di Santa Rosa, a tuma nota di un bon consejo di e conocido cunukero Andres Werleman, conoci como “Modechi”.

El a splica cu biento di Cuaresma enberdad a duna extra trabao e dianan aki na cas, pa por yuda mantene e troncon di su matanan di Bacoba y tambe Banana. Pa evita cu biento fuerte ta benta nan abao, el a pone varios palo di sosten, cu den pueblo ta ser yama ‘horket’. El a pone horket tur caminda pa nan no sigui cay.



E ta spera cu comunidad cu na nan cas, tambe sigui su tin palo di Bacoba y Banana bon consejo aki.

Special

Mona de Mei cu su 82 primavera

Skirbi pa:
Ruthy ‘Lady Ruth’ Vrieswijk-Bergen

Lieve Mona, mi amiga stima
Awo ta 82 primavera bo ta celebra
Cu nos bon deseonan di salud alegria
y sabiduria rondonabo awe y semper
Den bo bida carnal y spiritual
Bo ta un dushi hende unico y special
Bo ta fuerte y hopi amabel
Rondona pa cosnan agradabel
Bo hendenan cu ta stima'bo,
aprecia y respeta'bo
Bo ta un di nos dushi grandinan
semper cla pa duna un man
Den cushina, den cas of den veranda
Cu bo cachonan ta blaf un banda
Pabien lieve Mona, pabien!
Cu salud, alegria y mas sabiduria drenta bo bida
y curason, bo mente y alma cu tur cos bunita y bon
Awe bo a cuminsa celebra
Y Diadomingo bo celebracion lo culmina
Den alegria total cu bo famia,



Un braza grandi diki gordo pa bo mi bunita amiga!
Sigi goza di bo bida!!
Cuida curpa, come bon
Cu Dios su bendicion.

Pa Mona nos grito di alegria:
Hiep hiep hiep Hoerraaaaa

Ruthy ‘Lady Ruth’,
Februari 2026.

DEPORTE INTERNACIONAL

Murray cu 45 punto pa yuda Nuggets gana Jazz



PHILADELPHIA: Hungador di outfield di Philadelphia Phillies Johan Rojas a test positivo pa uso di un substancia prohibi, segun Jon Heyman di MLB Network.

Rojas awor muy probablemente lo ricibi un suspension di 80 wega, pa violacion di e maneho anti droga di MLB.

E hungador di 25 aña lo a duna di

conoce cu e ta bay apela e decision. General manager di e seleccion di Republica Dominicana Nelson Cruz a bisa Dialuna cu Rojas lo no participa na e World Baseball Classic(WBC). Hungador di outfield Junior Lake a wordo nombra pa reemplaza Rojas. Den 71 wega pa Phillies na 2025, Rojas a bati 1 homerun, a impulsa 18 careda y a roba 12 base.

Harry Maguire a haya castigo condicional di prison di 15 luna pa violencia cometi na Grecia



GRECIA: Hungador di defensa di Manchester United Harry Maguire a wordo condena na Grecia na un castigo di prison condicional di 15 luna. Esaki corte di Syros a dicta Diaranson.

E castigo ta bin despues di un incidente na e isla Griego Mykonos na 2020.

E cantidad di acusacion contra Maguire no ta nada leve.

Ta papia di maltrato, intento di soborno, violencia contra ambtenaar y in-

sulto.

Na 2021 caba Maguire, kende a hunga 64 wega pa e seleccion di Inglatera y 263 wega pa United, a wordo haya culpable caba.

E tempo ey el a haya un castigo condicional di prison di 21 luna, cu 10 dia di castigo incondicional.

Sinembargo e hungador di Sheffield di 32 aña e tempo ey a apela.

E caso di apelacion na 2023 y 2025 dos biaha a wordo posponi, te aworaki.

Spursa bons bek pa gana 76ers cu un diferencia di 40 punto



PHILADELPHIA: Despues di perde nan ultimo wega sin mucho chens pa gana, San Antonio Spurs Diamars anochi a bons bek hopi bon, door di gana Philadelphia 76ers cu e score di 131-91.

Dylan Harper tabata maximo anotador pa San Antonio cu 22 punto y 5 rebounds, mientras cu Stephon Castle a contribui cu 15 punto y 10 asistencia.

Mirando con e wega a bay for di trempa, e 10 puntonan di Victor

Wembanyama tabata suficiente pa yuda Spurs.

El a hunga 24 minuut so, mirando e score.

Na final di e tercer quarter San Antonio te hasta tabata gana pa 49 punto.

Di otro banda, maximo anotador pa Philadelphia tabata Tyrese Maxey cu 21 punto y 8 rebounds, mientras cu Cameron Payne a caba cu 10 punto pa 76ers cu tabata sin strea Joel Embiid.

Telstar a duna bon bataya pero via dos auto gol AZ a gana y ta bay final di Copa di Hulanda



HULANDA: Diaranson den e semi final di Copa di Hulanda (KNVB Beker) Telstar a duna hopi bon bataya contra AZ.

Na halftime ainda e wega tabata 0-0.

Sinembargo den di dos mitad AZ a domina un tiki mas y a gana e wega 2-1.

Esaki ta nifica cu AZ ta bay hunga e final di e copa contra NEC, cu

Diamars a sorprende PSV.

E prome gol di AZ tabata un auto gol di Danny Bakker den di 47 minuut y pa colmo e 2-0 tambe tabata un auto gol e biaha aki di Neville Ogidi Nwankwo den di 51 minuut.

Ora cu den di 74 minuut Kay Tejan a anota pa Telstar nan a haya speranza, pero mas leu cu esey nan no a yega.



Noticianan for di Hulanda

Bishita di pareha Real pa Merca ta den duda



HULANDA: Rey Willem-Alexander y Reina Máxima tin planea pa biaha pa Merca den luna di April, pa un bishita di trabao. Ainda no ta confirma, pero e pareha Real su intencion ta pa reuni cu presidente Donald Trump. Den luna di Juni Trump a bishita y Hulanda y a wordo permiti di keda cerca e Rey na Huis den Bosch. Awor ta check cu un bishita pa Merca ta posibel. Pa basta tempo caba e Rey a pone

den su agenda cu e kier biaha pa Merca, pero awor tin basta duda mirando sigur tur e critica cu tin den direccion di e presidente Mericano, despues cu Merca a drenta Venezuela y a secuestra presidente Maduro. Banda di esaki Trump su number a wordo menciona miles di biaha den e famoso Epstein Files, mientras cu tin critica tambe den su direccion pa loke ta e guerra contra Iran cu e lo a cuminsa.

Morto y persona gravemente herida haya den cas na Almere



ALMERE: Diaranson atardi polis a topa cu un persona morto den un cas na Almere y otro gravemente herida. Esaki un vocero di polis a confirma. E persona gravemente herida a wordo transporta pa hospital. Te cu Diaranson atardi no tabata tin informacion riba kico exactamente a sosode.

E personanan a wordo haya den un cas den Willem de Vlaminghstraat den e parti di ciudad yama Almere Buiten. Polis a duna di conoce cu nan a cuminsa un investigacion y no por descarta cu ta trata aki di un crimen cometi. Varios servicio di emergencia a presenta na e sitio, incluyendo un helicopter di trauma y brandweer.

Homber y muher a perde nan bida den un accidente di auto na Twente



TWENTE: Den un accidente den cual 1 auto so tabata envolvi den Almelostraat (N741) den Ambt Delden, Diaranson mainta dos persona a perde nan bida. Segun polis, ta trata di un homber y muhe. E accidente a sosode Diaranson mainta alrededor di 8.00. Debi na e golpi fuerte e bloki di motor a bula sali for di e vehicu-

lo. Polis a cera e caminda y a haci un investigacion amplio. Polis awor ta buscando testigonan cu a wak e Mazda preto core un tiki prome cu 8'or di mainta for di direccion di Bornerbroek pa Delden.

Persona transgenero buscador di asilo a wordo hinca den su cara den azc Leiden: sospechoso a grita, 'bo ta sushi'



LEIDEN: Den e centro pa buscador di asilo (azc) na Leiden den fin di siman un buscador di asilo transgenero di 24 aña a wordo hinca den su cara pa otro habitante di azc. Ta trata aki di 'violencia transfbico', un organizacion LGBTQ conoci a contra corant AD. Segun COA, azc na Leiden actua mesora corectamente na momento cu e incidente a sosode y despues.

COA lamentablemente ta reconoce cu ainda incidentenan relaciona cu LGBTQ ta sosode y cu tin discriminacion den e opvang. "Discriminacion na tur nivel nos ta keur af fuertemente", un vocero a duna di conoce. E victima ta Danial di 24 aña, un buscador di asilo transgenero vulnerable di Syria, segun LGBT Asylum Support, un organizacion cu ta yuda buscadornan di asilo queer. Ora cu Danial a wordo hinca, e sospechoso a yame pa tur sorto di number, entre otro pa homosexual sushi y porco.

Noticia Internacional

NATO a destrui misil cu tabata rumbo pa Turkia

Merca ta atacando awor hopi mas area paden di Iran

DUBAI: E atakenan ta sigui escala na Medio Oriente. Misil y Drones di Iran no ta djis bay riba e bisiñanan mas cercano, pero tambe awor mas panort. Un misil di Iran cu tabata rumbo pa espacio aereo di Turkia, a wordo destrui door di defensa di NATO, segun Gobierno di Turkia a laga sa.

Mientras tanto Ministro di Relaciones Exteriores di Iran a yama esun di Qatar, pa bis'e cu e atakenan di Iran na su pais ta dirigi riba 'interesnan Mericano', y no riba pueblo di Qatar. Pero aki Ministro di Qatar a stop e



gobernante di Iran mesora, bise cu esey no ta berdad, debi cu tin hopi area civil y residencial na Qatar cu a wordo ataca tambe. El a enfatiza cu e accionnan aki di

Iran ta constitui un 'acercamiento di escalamento', y ta acusa Iran di ta trata di perhudica su bisiñanan y pusha su pais den un guera "cu no ta di nan", segun un boletin.

Pentagon mientras tanto a indica cu awor e atakenan di Merca y Israel a profundiza mas paden di Iran, y ta sigui mik riba blanconan militar, y fabricanan di material di guera.

Habitantenan Turco cu a logra bandona Tehran y regresa nan cas, a declara cu e capital di Iran aworaki ta basta bashi, ya cu tur hende a bandona e ciudad pa bay sconde pafó.

Mientras tanto debi na e peligro di e conflictionan aki, hasta e astro futbolista Cristiano Ronaldo a dicidi na bandona Arabia Saudita cu su famia.

Ta e yiu di Ali Khamenei mes lo bira Iran su lider supremo



DUBAI: Tur cos ta mostra cu e di dos yiu homber di e fayecido Ali Khamenei lo por bay bira e Lider Supremo nobo di Iran.

Ta trata aki di Mojtaba Khamenei, y e ta hayando hopi sosten pa e wordo eligi pa asina keda guia e republica Islamico door di e periodo mas turbulento den su historia di 48 aña.

NOTICIA FOR DI COLOMBIA

MUHE VENEZOLANA A MURI DEN GYM CARTAGENA

CARTAGENA: Den oranan di anochi, alarma a wordo bati ora cu un muhe a muri mientras e tabata haciendo



ehercicio na e gym 'Smart Fit' cu ta den e centro deportivo cu tin den Mall Plaza na Cartagena. E muhe Melanis Vázquez di 32 aña tabata haciendo su rutina normal di training, ora cu el a sufrí un emergencia medico. El a sak den otro inespera y mesora personal di e gym y demas

personanan eyden a cumenza bay yuda, y nan a core pidi pa Ambulance. Personal di Cruz Cora Colombiano a yega, y ora cu e paramediconan a bay check e persona, nan a nota cu e no tin señal vital mas y a confirma cu el a fayece eyan mes den e gym. For di prome bista, a nota señal cu su morto tabata producto di un atake di curazon. Autoridad tambe a yega, y Ministerio Publico a duna ordo pa confisca e curpa pa haci un autopsia, y demas investigacion pa tin siguridad kico exacto ta e causa di su morto.

HAGEL A BOLBE CAY DEN TORMENTA FUERTE

MEDELLIN: Un awacero pisa a azota Medellin y varios otro municipio di Valle de Aburrá riba Diamars, y a sor-



prende hopi hende ora cu hasta hagel a cay, cu bientonan extremo, y varios rooi mesora a subi di nivel na un forma espantoso. E mal tempo a wordo sinti cu hopi intensidad den parti zuid di area


metropolitano di Medellín. Servicio Meteorologico a confirma cu awacero pisa a cay parti zuid, parti nort, y parti west di Medellín, y tambe den municipionan di Envigado, La Estrella, y Caldas. Esakinan a registra banda di 3'or pa 5'or di atardi. Awacero si a sinti den tur skina di Medellín, y cayanan inunda a crea caos den trafico, net e ora ora cu hopi hende a stop di traha y ta buscando forma pa bay cas. Hopi hende a warda varios ora prome cu por a sali di trabao.

MOTOCICLISTA GARA CU 3 KILO DI DROGA

CARTAGENA: Un operacion di control riba caya di Polisnan di Transporte, a pone cu nan a logra stop y descubri cu un motociclista tabata transportando mas di 3 kilo di droga riba Ruta 9005, e parti cu ta comunica San Onofre cu Cartagena. Polisnan tabata haciendo control normal di registro y check papelnan di tur auto, truck y brommer cu ta pasa. Nan a stop e motorcycle aki djis pa un control normal, y nan a nota cu e manehador a bira hopi nervioso mes. Esaki a pone nan bay haci listramento, y den un tas a bin haya varios saconan di plastico cu ta contene 1,8 kilo di marihuana, y tambe 14 sako cu ta contene 1,2 kilo di cocaína. Riba caya e droganan aki tin balar di 15 milyon Pesos Colombiano. E motociclista Yair Enrique Vázquez Díaz a keda deteni, y motorcycle ta confisca.



Submarino Mericano a ataca barco di guerra Irani



COLOMBO: Un Submarino Mericano a ataca un barco di guerra di Iran riba lama pazuid di costa di Sri Lanka, matando docena di tripulantenan. Ta trata di e fregata IRIS Dena cu e momento ey tabata bayendo pa Iran.

Hospital na e waf di costa Galle na Sri Lanka, a bisa cu

87 cadaver a ser treci door di personal di rescate. Un otro 32 persona a keda rescata y ta wordo trata na Hospital. Tin 60 persona perdi, y abor-do tabatin 180 persona.

E imagen aki ta graba door di e Submarino algun seconde prome cu e torpedo a dal contra dje.

Noticia Internacional

Puppy di Bulldog a muri despues cu a tir'e fo'i balcon durante pelea di pareha na Medellin

MEDELLIN: E gritonan di spanto y hasta di rabia cu por a scucha for di Piso 2 di un edificio di apartamento na bario El Pesebre, na parti noordwest di Medellin, a bira un problema di henter e bario. No djs pa e conflicto di pareha, sino pasobra meymey di e discusionnan aki, nan a zwaai y benta un cacho di raza French Bulldog for di Piso 7, cu a muri ora el a dal contra e cement duro di prome piso.

E caso aki a socede banda di 2'or di marduga riba Dialuna den bario di comuna 7 (Robledo), despues cu un pareha a cumenza pleita na forma agresivo, cu a hasta spierta bisiñanan di e gritonan. Ora cu e habitantenan a sali for di nan balcon pa mira e gritamento aki cu a stroba nan soño, nan a mira con e cacho puppy di apenas 3 luna, a wordo tira for di e balcon na halto. Bisiñanan a mira cu e



cacho mes no a cay accidentalmente, sino cu nan a zwaai e animal na forma violento. Bisiñanan a spanta y no por a kere nan wowo, mientras cu otronan a core sali di nan apartament, baha bay abao na Piso 2 pa trata na salba e cacho, pero e forza di impacto a pone e animal muri mesora riba e dak di cement.

Habitantenan e ora a concentra nan rabia riba e pareha na Piso 7, y a cumenza insulta y hasta bay pafo di nan porta y e pareha a haya

nan obliga di keda cera den nan cas. Polis Metropolitano a yega, y e ora si a obliga nan di habri porta y ambos a wordo aresta. Un team forensico di Polis a bay recoge e cadaver di e cacho tambe pa Veterinario hudicial haci su investigacion.

Alcalde di Medellin tambe a muestra su indignacion di loke a pasa, y a rechaza e caso cruel di maltrato di animal aki. Autoridad no a divulga number di e pareha cu a keda deteni.

Merca no ta bay acusa Delcy di crimen



WASHINGTON: Todd Blanche, kende ta deputy Attorney General di Merca, a desmenti completamente e informe publica den prensa cu US Justice Department ta preparando na forma scondi un acusacion penal contra Delcy Rodríguez, kende aworaki ta President interino di Venezuela.

Un agencia di prensa a bin cu e storia, cu Merca kier acusa Delcy di ta vincula cu actonan di corrupcion y labamento di placa.


Pero e Procurador General interino di Merca, Todd Blanche a insisti cu e publicacion ey di Reuters ta completamente falso. E funcionario hudicial Mericano a bisa: "Mi no ta sigur ta con e tipo di noticianan falso aki por hasta wordo publica."

Desaroyo di prome app pa preveni migraine

MADRID: E dolor di cabez cu hopi hende ta sufri di dje, cu ta pasa di intenso te grave y cu ta keda ocasiona un batiemento estilo puso na un solo banda di cabez, y por hasta ocasiona otro sintoma, manera mareamento y hasta ponebo saca... ta conoci como 'migraine'.

Na 2021, organizacion di WHO a bisa cu 40% di poblacion mundial ta sufri di migraine, pues ta como 3.100 miyon hende. Aunke e ta socede hopi frecuentemente, e malesa ta sigui di ta uno incognito. Pero awor, a sali cu 'Movemi', un proyecto di Universidad di Valencia na Spaña cu ta buscando pa combati migraine cu tecnologia y fisioterapia, y ta uzando basenan científico solido pa su prevencion.

Docter Javier Bonastre, ta experto den fisioterapia y ta lider di Movemi, y a bisa cu migraine ta afecta mas muhe compara cu homber. Y ora di investigacion a descubri con hopi sintoma esaki ta consisti, pues ta un trastorno neurologico hopi complica di



cual e causa ta varia ampliamente di persona pa persona, y ta inclui factornan manera stress, cambionan hormonal, cierto cuminda, y hasta influencia di medio ambiente.

E app di Movemi lo tin e prome aplicacion cu contenido científico riba e malesa, y ta inclui ehercicio pa esnan cu ta sufriendo di dje, pa yuda stop episodionan di migraine y reduci e sintomanan. Awor e ta den su prome fase ainda, y nan ta pronostica cu e app aki lo keda cla den 3 aña, y nan lo habri e plataforma aki pa tur hende na mundo. E ta bay siña e pashent pa controla su reaccionnan, su emocionnan, y su dolor via di tecnicnan manera control di halamento di rosea, y mas.

NOTICIA FOR DI VENEZUELA

EXXON MOBIL LO MANDA EKIPO PA VENEZUELA

MARACAIBO: E compania Exxon Mobil tin plan pa manda un ekipo tecnico pa Venezuela dentro di algun




siman, despues di a traha riba areglonan logistico y di seguridad, segun un ehecutivo a declara e siman aki. E compania petrolero Mericano lo traha cu Gobierno

Veenezolano, y si nan wordo duna e terminonan di inversion adecua, "nos lo ta interesa na regresa," ta loke e senior vice-president Jack Williams a bisa. President Donald Trump di Merca a recomenda companianan petrolero pa inverti 100 mil miyon Dollar na Venezuela y reconstrui e sector di energia. Tur propiedad den pasado cu Exxon tabatin na Venezuela, a wordo 'expropia' dos biaha y pesey e compania a bisa cu nan mester di proteccion di inversion duradero, prome cu nan regresa. Desde 2007 nan no a funciona mas na Venezuela, y nan ta kere cu si tur garantia wordo duna, nan por bay opera aun miho cu antes cu tur e hermentnan tecnologico cu nan por aporta cu ne.


AUTO A DAL PROFESOR DI UNIVERSIDAD MATA

MARACAY: Un accident di trafico a socede na pueblo di Turmero na estado Aragua, riba e caminda di Turmero pa Maracay. E victima ta un Profesor di Universidad, kende e momento ey tabata canando pa bay na un Parada di Bus di Transporte Publico, den sector 19 de Abril. E victima a wordo identifica como profesor José Ramón Aponte Trujillo di 63 aña di edad, kende a wordo gedal door di un auto, y e chauffeur a djs sigui core bay. E caso di Hit & Run aki a socede net riba e dia aki cu Profesor Aponte Trujillo tabata bayendo pa Liceo Libertador, cu ta cerca di Plaza Bolívar na Ciudad Jardín. Pasobra e tabatin honor di bay entrega e titulongan Universitario na e docenten, pero nunca el a yega pa e acto academico. Debi na e impacto fuerte, e profesor a muri mesora riba e acera benta banda di e caya, y no por a haci nada mas. Via di testigonan ta tratando di haya informacion di e auto involvi den e caso aki di Hit & Run.



CANASTA BASICO A SUBI Y TA COSTA \$677 AWOR

CARACAS: Director di e Centro di Documentacion y Analisis Social di Federacion Venezolano di Maestronan (CENDAS-FVM), esta Oscar Meza, a adverti cu inflacion na Venezuela ta sigui acelera y cu e poder di compra di ciudadanonan ta deteriorando. Datonan disponibel te cu Januari 2026, ta



muestra cu inflacion anualiza via di e canasta basico di alimento, a subi cu 681,1% na Bolívars, y 42% na Dollars. E salario minimo di 130 Bolívars (cu ta menos di \$1), apenas ta cubri 0,05% di e canasta basico. Pues pa un Venezolano, lo mester di 1.700 salario minimo pa cubri e total di cuminda. Canasta basico aworaki ta na 677,17 Dollar, cu ta un cifra cu ta laga como prueba con bashi e ganashi ta compara cu costo di bida na Venezuela.

"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa trankil, pami bolbe haña forza".
Salmo:23

Cu inmenso tristeza na nos curason, pero conforme cu
boluntad di Dios nos ta anuncia fayecimento di nos ser
keri:



Frida Edwina Croes Thijzen
Cariñosamente yama:
"TanFrida of TanFri"
***06-07-1957 †23-02-2026**

Na number di su:

Tata: †Leocadio Thijzen

Mama: †Sebastiana Martijn-Thijzen

Esposo stima: Isaías Croes

Yuinan: John y Sylvia Croes-Verkooijen

Juny y Esmeralda Croes

Ryan y Nick Croes – Timmers

Christopher y Damira Croes- Odor

Juan Junior y Indy Croes – Klimtsjac

Nieto (a) nan: Jelisa Croes

John Michael Confessor

Abigail Croes

Savanah Croes

Su Bisanieto: Mason Arnold

Manera nietonan: Daylan y Kayden Angela

Ruman nan: Lucio "Eddy" y Doris Thijzen- Van der Linde

Juan "Bitto" y Thelma Thijzen- de Cuba

Den y Lydia Thijzen -Arends

†Yolanda y Hernando Alvarez- Thijzen

Mario y Linda Thijzen- Solognier

Manera ruman: Miriam y Fanchi Koolman-Rosel

Norma Martijn

Esther Esitmez

Sua y cuñanan: Marcelo "Feli" y Agnes Croes-Petrochi

†Fein y Greta Croes-Croes

Leonardo "Rito" Dirksz

Lidia Dirksz

Vicente Dirksz

Aura Dirksz

Cynthia y Roy Kelly-Dirksz

Susan Dirksz

Sobrin(a)nan: Johan - Tyrina – Taryn – Rudolf –

Gregory – Myron – Ulrick – Ana Carina – Leonardo –

Vanessa – Juny – Angelo – Agmed – Raymond - Raybert

- Gilmar – Julaica – Juleanne – Alex – Osmar – Eugene -

†Jolene – Andreina – Kenrick – Eldrick – Noadiah –

Joacim – Ketura y Jonathan.

Su Tantan: Rosa Thijzen

Carla Wever-Thijzen

Angelica Tromp- Martijn

Iha nan: Tyrina- Ana Carina- Charlize

Primo y primanan

Famianan: Thijzen, Martijn, Croes y demas famianan.

Ta invita demas famia, bisiaña, amigo(a)nan y
conocer nan pa asisti na e acto di entierro cual lo tuma
lugar diasabra, 7 di Maart 2026 for di 2or – 4or di
atardi, na **Ad Patres Funeral Home na San Nicolas.**
Despues nos lo sali cu nos defunto stima pa **Santana**
Catolico San Hose na Savaneta.

Si en caso den nos tristeza nos por a lubida algun
persona of famia, nos ta pidi nos mas sincero disculpa.

*Staff y personal di Ad Patres Funeral Home & Crematorium
ta extende nos mas profundo condolencia na famia di e
fayecida.*



AD PATRES
funeral home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Awe, 5 di Maart ta Dia Internacional di Eficiencia Energetico

ORANJESTAD (AAN)-- Tur
año riba dia 5 di Maart ta wordo
conmemora e Dia Mundial di
Eficiencia Energetico, cu tin e
meta di hiba tur hende reflex-
iona y corda cu nos habitonan
por contribui na e bon uzo di
energia.

E Instituto Internacional di
Eficiencia Energetico, su sede
na Mexico DC, ta relata al re-
specto. E eficiencia energetico
ta un proceso of ekipo consu-
midor di energia cu ta defini su
mes como un manera di genera
un producto of bienestar usan-
do menos energia, pa elabora e
mesun tarea.

E inicio di e conmemoracion
aki, ta remonta na dia 5 di
Maart di año 1998, tempo cu
na Austria a duna inicio na e
Prome Conferencia Interna-

cional di Eficiencia Energeti-
co, den cual a participa rond di
350 experto den diferente area
di ingenieria, climatology, y
ambientalistanan, pa menciona
algun, hunto cu lidernan mun-
dial pa atende e emergencianan
climatico cu ta afecta e sernan
humano.

E uso eficiente di energia ta
demanda menos gasto pa su
consumo, door di industrianan,
empresa, casnan domestico,
scolnan, y instalacionnan di
gobierno. Uza menos energia ta
traduci su mes den spaarmento
di placa, cu por reinverti den
mayor produccion, innovacion
di procesonan, educacion y
servicio.

Un economia energeticamente
eficiente, por crece cu e uso
adecua di energia, ademas si

reduci su consumo, menos
contaminacion ta wordo gen-
era.

E eficiencia energetico den
e hogarnan, negoshinan y
edificionan ta nifica uza me-
nos energia pa calentamento,
friamento y iluminacion door
di ekiponan consumidor efi-
ciente.

E tema aki ta hopi importante
pa nos comunidad, pasobra
nos tur ta conciente cu coriente
na Aruba no ta barata, y no tur
hende ta conciente encuanto
uso eficiente di energia. Pues,
e informacion aki por ta un es-
timulo cu por trece reflexion
cerca cada un ciudadano, cada
famia, comercio, etc., pa haci
tur esfuerso pa reduci uzo di
energia unda no ta necesario
consumi esaki sin mester.

Tambe na Blue Army na San Nicolas

Diasabra mainta trempan tin misa na Kapel di Alto Vista

ORANJESTAD (AAN): Lo
tin dos Misa riba Diasabra
mainta trempan. Pues dia 7 di
Maart 2026, lo tin misa na Ka-
pel di Kapel Alto Vista y Blue
Army San Nicolas, esta e Ka-
pel di Curason di Maria (Blue
Army).

E misanan lo bay ta cum-
inzando pa 7:00 am. Sinem-
bargo, prome cu Santo Misa ta
resa Santo Rosario pa 6:15 am,
"Misterio Gososo", despues
ta sigui cu Salve Regina. Ta
invita tur deboto y fielnan di
Mama Maria pa asisti na e
Santa Rosario prome cu Santa
Misa. E ta entercede pa nos na
nos Tata Celestial. Papa Leon



ta pidi pa henter mundo resa e
Santo Rosario pa bienestar di
henter mundo. Pa reina pas y
trankilidad den nacionnan cu
ta den guera.

Papa Leon XIV y Obispo
Charles y tur sacerdote, Dia-
cono- y laiconan cu ta hiba
e bon noticia pa e pueblo di
Dios. Pa nos Gobernantenan y
tur cu ta carga responsabilidad
pa nos pais Aruba. Pa enfer-

monan den exterior cu a bay
busca nan salud. Cu pronto re-
gresar na Aruba pa sigui gosa di
un bon salud den nan su famia
stima.


Luna di Maart ta dedica na
San Hose. Ban canta y pidi
Jesus yuda nos den nos necesi-
dadnan. Ban hinca rudia busca
refugio na nos Mama Celestial.
E ta guia nos riba e Caminda
di Dios. Cu Mama Maria den
nos curason, nos Mama stima,
compaña nos den e caminda
di pas. Ban hunto resa pa nos
hogar y nos isla Aruba. Pa tin
pas y comprension un pa otro.
Den nos oracionnan resa pa
por yega na e pas desea.

Diamars tin fenomenal caminata na bahada di solo

ORANJESTAD (AAN): Aru-
ba Conservation Foundation ta
invita comunidad pa un cami-
nata, unda lo bay mira e ba-
hada di solo banda di costa.

E asina yama 'Sunset Hike'
aki lo bay ta riba Diamars 10 di
Maart 2026, y lo ta for di 6:00
pm te cu 8:00 pm. E biaha aki,
e lo cubri un distancia di 4,1
kilometer. Tur hende lo topa
na Faro di California pa start.

Bo tin di registra pa participa,
corda cu cupo ta limita, pues
bay na e website aki:



www.bit.ly/auahike

Di e forma ey bo por par-
ticipa den e caminata aki, cu
lo yudabo explora Westpunt
Beach, Westpunt Boca, y e du-
nanan di Sasarawichi. E tereno

aki lo bay ta uno facil pa cana.

E caminata aki ta pa hende
di 10 año bay ariba. Lo bo tin
di paga algo pa participa, y e
ta inclui un snack chikito y
algo di bebe. Pero nan ta pidi
pa bo bay cu bo mesun awa,
bin cu bon zapato di cana, un
flashlight chikito, y bo pasion
pa naturalesa. E caminata lo
finalisa na Faro di California
mes. Riba e website bo por
haya sa tur detaye, pa bo reg-
istra, y e asunto di pago.

**Pa chica Pos - Habri tuberia y wc.
Servicio lihe y confiabel.**

Experiencia ta manda

CICLONE

Septic Tank Service

Tel: 564-0607 / 734-0607

**TA FURA
ELMA UPHOLSTERY**

Matras, box busca mainta y
hay e atardi! Set di sala, tv
chair, sienta auto.

Tel: 565-5577

Macapruimstraat # 1L

**CONSTRUCCION
REMODELACION**

Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construccion di cas
y apto bon prijs. Free quotation.
Tel: 561-2137

NOS TA CUMPRO

Oro y plata kibra,
holoshi antiguos y
moderno di bon marca.

SILVER LEAF

Havenstraat 32

Tel: 746-0535 / 592-1776

TA CHAPI

Corta mata.

Ta tira sushi afo. Nos
ta hardineria completo
na super bon prijs.

Tel: 569-8003

WASMACHINE

Ta drecha wasmachine,
dryer, stoof, forno.

Ta drecha, service y instala
airco. **Tel: 742-2518.**

Ta drecha na cas mes.

NOS TIN SERVICIO

Corta mata y palmanan
grandi y chikito y
peligroso. Hasi tur sorto
forma di mata.

Cel: 592-1277

**AIRCO REPAIR
AND SERVICE**

Nos ta drecha tur sorto di
airco, frigidaire, wasmachine,
cooler, freezer, stove,
ice-maker, dryer. Yama nos
anytime: **747-7987 / 744-2202**

TA CUMPRO

Holoshi antiguo
y moderno
di bon marca.

Tel: 744-9995

General Contractor Gomez

Pa tur trabao den bouw.
Ta busca un representante.
Un truck pa chupa poz.
Uitzendbureau bo ta busca
trabao, bo mester hende pa
traha. **297 5677513 /**
5999 6918806

DIARIO

Pa noticia, cumpleaños,
comentario, redaccion:
noticia@diario.aw

Tel: 582-6747

John Hart a habri debate di vivienda cu gobierno den Parlamento

ORANJESTAD (AAN): Situacion di vivienda na Aruba a bira un di e preocupacionnan mas grandi den nos comuni-

**Mercado Reparacion y Servicio
Nos ta drecha**

Wasmachine, Frigidaire,
Cooler, Dryer, Stoof, Forno.
Tur tipo di split-unit y window.
ALEX MERCADO! Any time

Cel: 567-0580

**TA CHAPI
TIRA SUSHI AFO
TRANSPORTE
DE CARGA
Tel: 594-5115**

TA BUSCA

**Un ayudante
pa cas.**

**4 dia pa siman,
6 ora pa dia.**

Yama: 5930510

SUSHI

Nos ta piki sushi tur caminda,
lage limpi limpi mane un
sofo. Pa solamente 50,- pa
buelta y Ecotech apart.
Yama nos na **592-5766** of
561-5179. Arubiano trahado.

DIRECTV

A miho T.V. na Aruba
Mundial Futbol na caminda,
haya bo DIRECTV awo
prome cu ta caba.

Yama cel: 733-5762

HANDYMAN

General maintenance.
Roofing, welding shop,
painting. All in construction.
Maintenance garden.
Nos ta cla pa yudabo.
Yama awo: **742-7701**

SE ALQUILA

Habitacion en
O'stad (Playa)
Tel: 563-0351

**ASSOCIATED REALTORS
TA BENDE**

Un cas di 3 camber cu 13 apts
y 1 oficina na Madiki, construi
679 m², tereno propiedad 897
m² y pa \$1.3 mlj. Yama Mito
na **593-6318** pa mas info.

SEÑORA TA OFRECE

Pa drecha paña, cortina, traha
furu pa stoel, sofa y ba haci
tur tipo di trabao di cosemento.
Mi mes ta busca y hibe
bek pa bo. **Tel: 660-7571.**

dad. Prijs di cas y huur ta sigui
subi, disponibilidad ta limita, y
hopi famia (specialmente ho-
ben profesional, famia hoben
y cu entrada minimo) ta en-
frenta dificultad serio pa haya
un cas pagabel. E presion riba
mercado a crea inseguridad so-
cial, retraso den formacion di
famia y te hasta exodo di nos
hendenan.

Den e contexto aki, Parla-
mentario di AVP, John Hart, a
haci uzo di su derecho pa so-
licita formalmente un sesion di
pregunta y pidi Minister di In-
fraestructura, Sr. drs. R. Herde,
pa bin Parlamento di Aruba y
comparti informacion riba e
situacion di vivienda na Aruba.
Dicho encuentro a tuma luga
dialuna mainta.

Segun Hart, pa hopi ciudadano
yega na un cas propio a bira
algo casi impagabel. E ultimo
añanan a muestra un stagnacion
cla den mercado di vivienda,
algo cu mester ser discuti habri
y cu responsabilidad. "Vragen-
recht ta un instrumento pa
controla gobierno. Nos como
Parlamento tin e deber di haci
pregunta y exige claridad ora
un sector asina esencial man-
era vivienda ta para," Hart a
declara.

Den su peticion, Hart a pidi
clarificacion riba e motibonan
principal tras di e stagnacion
den mercado di vivienda y si
tin factor structural of politico
cu a contribui na e situacion
actual. Ademias, el a busca un
actualizacion concreto riba
kico gobierno lo haci pa stim-
ula construccion y aumenta
disponibilidad di cas pa huur,
cu medidanan specifico y pla-
sonan realista.

Tambe a plantea si minister
ta evalua un posibel aumento
di huursubsidie pa hogarnan cu
ta depende di un entrada min-
imo, considerando e presion
creciente riba famianan vul-
nerabel. Hart a pidi igualmente
clarificacion riba opcionnan
di financiamiento innovador,
incluyendo e posibilidad pa
activa recurso manera APFA
pa yuda financia FCCA cu
construccion di vivienda social
y pone e mecanismonan finan-
ciero traha debidamente.

Finalmente, el a solicita Min-
ister Herde pa comparti su vi-
sion concreto riba regulacion
di short term vacation rental y
con e actividad aki ta impacta
disponibilidad di vivienda pa
residente local.



Hart a enfatisa cu situacion di
vivienda ta exige decisionnan
fuerte. "No por sigui cu estudio
tras estudio mientras famianan
ta sufri. Ta tempo pa solucion.
Ta tempo pa liderazgo," el a
expresa.

E parlamentario a indica di

ta contento cu a habri e debate
den Parlamento riba un tema
tan critico y a pidi pa un re-
union publico pa continua cu e
debate hunto cu sector, experto
y ciudadano. "E tema aki no
por keda limita na sala di Par-
lamento. Nos mester scucha
pueblo y traha hunto na solu-
cionnan realista."

AVP ta mantene cu mercado di
vivienda mester un direccion
cla, mas coordinacion interin-
stitucional y boluntad politico
pa implementa medidanan efi-
caz. "Vivienda no ta un luho, ta
un derecho basico. Si nos kier
un pais cu estabilidad social y
economico, nos mester cum-
insa aki," John Hart a conclui.



Cu inmenso tristesa Citgo Santa Cruz a
tuma nota di fayecimento di

**Sr. Francisco R. "Buchi"
Besaril**

Tata di nos colega Reinaldo
Mackintosh.

Nos ta expresa nos mas profundo
condolencia na Reinaldo y demas
famia y ta deseanan hopi forza den e
dianan dificil aki.

Cu Buchi sosega na paz.



Cu profundo tristesa Horacio Oduber Hospital
a tuma nota di fayecimento di:

Gabriel Croes

Tata di nos colega Sharin Croes di departamento
Financiële Administratie.

HOH ta desea Sharin y demas famia hopi forza den
e momentonan dificil aki.

Cu Dios duna e defunto sosiego eterno.




**FIND
MOVIE TIMES**
THEMOVIESARUBA.com




THE
MOVIES
PRINCIPAL
RENAISSANCE

GLORIA
movies doing entertainment play



HOPPERS

ALSO IN IMAX



THE BRIDE!

ALSO IN IMAX



VERLIEFD OP CURACAO

SPOKEN IN DUTCH &
DUTCH SUBTITLES



SI E BARANCA POR A PAPIA

SPOKEN IN PAPIAMENTO
& ENGLISH SUBTITLES

Popular Aruba
Agencies

**JOIN NOS
TEAM ARUBA**

DRIVER

Profiel

- Un persona dinámico i ku inisiativo propio
- Edukashon MAVO
- Rijbewijs
- Edat 25-40
- Eksperensia ta preferibel



If you are interested in joining our team,
please send your CV to info@popular-agencies.com
before February 20, 2026.

SETAR ta participa fayecimento di:

Sr. Emiliano Tromp

Tata di nos colega Daniela Solognier-Tromp,
Medewerker Incasso.

Acto di entierio ta tuma luga diabierna
6 di maart 2026 di 2or di merdia pa 4or di atardi
na Parokia Sagrado Curason na Savaneta.

Gerencia, Staf y Personal di SETAR N.V.
ta extende palabra di condolencia na
Daniela y demas famia.

SETAR

**NOW
IT'S TIME
GET THE
BEST DEALS
AT AMC UNICON!**

SHOP ON CREDIT & GET UP TO

**2 FREE
INSTALLMENTS**

**PLUS FREE DELIVERY
FOR CREDIT CUSTOMERS
AT AMC UNICON!**



SAVE AWG40

**QUATTRO
2 PCS GRIDDEL
ALUMINUM FRYPAN
QTTTWA009**

**NOW AWG39
WAS AWG79.99**



SAVE AWG40

**QUATTRO
2 PCS LIGHT FORGED
ALUMINUM GRANITE
FRYPAN QTTTCLFA2C2**

**NOW AWG39
WAS AWG79.99**



**CUISINART
GRILL & PANINI
PRESS GR-11P1**

**NOW
AW159
WAS AWG259.99**



**OSTER
CITRUS JUICER
FPSTJU4175-013**

**NOW
AWG49
WAS AWG109.99**



SAVE AWG81

**OSTER
HANDHELD STEAMER
986-OSGCSTES100**

**NOW AW99
WAS AWG179.99**



SAVE AWG71

**MASTERTECH
36"- 3 PEED
TOWER FAN
MTTBTFN151**

**NOW AW79
WAS AWG149.99**



569-2407
AMC EAGLE MEGASTORE

HORARIO: 9am - 6pm DIALUNA PA DIASABRA

OFFERS VALID WHILE STOCKS LAST.
TERMS & CONDITIONS APPLY!



Representante permanente di Nacionnan Uni ta haci bishita di introduccion cerca Minister Dowers



ORANJESTAD (AAN): Sra. Lise Gregoire-van Haaren, Representante Permanente (apunta) di Reino Hulandes na Nacionnan Uni na New York, a haci un bishita di introduccion na Minister di Husticia, Integracion, Transporte Publico y Energia, mr. drs. Arthur Dowers.

Durante e bishita, a papia riba desaroyonan internacional actual, migracion, stabili-

dad regional y cooperacion internacional.

Sra. Gregoire-van Haaren tin un carera impresionante. Gregoire-van Haaren a traha na Ministerio di Asunto Exterior di Reino Hulandes y a ocupa diferente funcion diplomatica na Den Haag, Bruselas, Paris y New York. Tambe a sirbi como Embahador y como Representante Permanente suplente na ONU, entre otro durante membresia den Con-



seho di Siguridad di ONU na 2018. Tambe Gregoire-van Haaren a ocupa e posicion di Director di Union Europeo y Director-General suplente di Cooperacion Europeo na Den Haag.

Su amplio experiencia den cooperacion Europeo, diplomacia multilateral y relacion internacional ta forma un base fuerte pa cooperacion continuo den Reino y na nivel di ONU.

E bishita aki ta enfatisa e importancia di coordinacion estrecho entre Aruba y e Representante Permanente na Nacionnan Uni, mirando interes comun y posicion internacional.